

54  
E





---

Ex Bibliotheca  
majori Coll. Rom.  
Societ. Jesu

30  
54-E-14

Becan. de H. Inusc.

$$\begin{array}{r} R \\ \hline 11 \\ \hline \end{array}$$

1955



LIBELLVS

DE

INVOCATIONE SAN-

CTORVM. S. J. C. J. B.

AVTHORE

MARTINO BECANO

SOCIETATIS IESV

THEOLOGO,

ET IN CÆSAREA ACADEMIA  
*Viennensi Professore Ordinario.*

Cum Gratia ac Priuil. Cæs. Maiest.



M O G V N T I Æ,

Typis IOANNIS ALBINI.

Anno M. DC. XVI.





ILLVSTRISSIMIS DD.

D. ADOLPHO

COMITI AB ALT-

HAIM,

&

D.<sup>a</sup> ELISABETHÆ

COMITISSÆ CONIVGI,

Fundatoribus Collegij Societatis Ie-  
s v in Krembs.

MARTINVS BECANVS.



ETVS pientissimorum  
Principum, Regum &  
Imperatorum consuetu-  
do est, Illustrissimi Co-  
mites, non modo pyrami-

A 2 des,

des, palatia, castra, oppida, propugnacula, magnifico sumptu ac splendore, tum ad perpetuam Nominis sui famam & memoriam, tum ad patriæ defensionem ac ornamentum excitare; sed etiam, quod laudabilius est, ad Dei Optimi Maximi honorem & gloriam, edificare Tempia, erigere Monasteria, fundare Collegia, doctos piosque viros, publici boni causa, accerlere, & ad promouendam aliorum salutem alere ac sustentare. Fecit hoc in Veteri Testamento Salomon; in nouo, Constantinus, Iustinianus, Carolus Magnus, Otto, Ferdinandus, Rodolphus, Matthias, Imperatores: Pipinus, Childebertus, Clodouæus, Ludouicus, Henricus Quartus, Francorum; Luitprandus Longobardorum, Offa Merciorum, Inas Anglorum, Stephanus Vngarorum, Boleslaus Polonorum, Venceslaus & alij Bohemorum Reges: Archiduces Austria, Duces Bauaria, Lotharingia, Brabantia:

Archis

*Archiepiscopi Moguntini, Colonienses,  
 Treuirenses: Episcopi, Paderbornensis  
 Theodorus, Bambergensis Godefridus,  
 Herbipolensis Iulius, Argentinenfis &  
 Passauiensis Leopoldus. Et, ne deuotum  
 fœmineum sexum præteream, Pulcheria  
 Arcadij filia, Eudoxia Theodosij con-  
 iunx, Elisabetha Thuringiæ Lantgra-  
 uij vxor; nec pauca ex Austriaca, Ba-  
 uarica, cæterisq; Christiani orbis familiis  
 augustissimis. Horum vestigiis, Vos duo,  
 par Illustrissimorum coniugum, pari pie-  
 tate ac deuotione insistitis. Ac, vt apertius  
 dicam, quod res est, hoc ipso tempore,  
 quo Ecclesia Christi difficillimas persecu-  
 tiones ab hoste patitur, Religiosis Patri-  
 bus Societatis I E S V nouum Collegium,  
 Templum, Gymnasium, oportunissimo  
 totius Austriæ loco, id est, Krembsij ad  
 Danubium, insigni liberalitate erigitis  
 & donatis. In qua re, quid primum spe-  
 ctare debeam, nescio. Tria potissimum*

occurrunt. Vnum est, sempiterni Dei gloria & maiestas, quam prae oculis habetis. Alterum proximorum salus ac utilitas, quæ inde sperari potest. Postremum, singulare ac illustre Dei beneficiû, quo obstrictos Vos esse, fateri necesse est. Nec id vnicum, sed multiplex. Primo, quia peculiare Dei donum est (quod minime ignoratis) non dico, diuitiis affluere, ab auaritiæ sordibus abhorre, carnis luxuriam euitare, fastum & ostentationem contemnere (quamuis & hæc ipsa Dei dona sunt) sed præterea, quidquid possideas, ad diuini Numinis propagationem, quasi plena manu profunderere ac subministrare. Non omnibus concessum id est, sed, ut loquar ex Euangelio: Qui potest capere, capiat. Exemplum nos docent. David Rex, quis & quantus vir fuit? Et tamen, ut diuino cultui Templum Hierosolymis exstrueret, à Deo impetrare non potuit. Salomoni pa-

cifico



cifico, hæc gratia reservabatur. Quam multi Imperatores Christiani in Oriente & Occidente, quàm multi Reges & Principes, opibus, potentia, ac imperio fuerunt florentissimi? Pauci illorum hoc privilegium à Deo nacti sunt, ut Templorum, Monasteriorum, Academiarum Fundatores, aut esse, aut dici mererentur. In hoc paucorum numero Vos estis. Vobis accommodari potest, quod Christus ait, Luc. 4. v. 25. In veritate dico vobis, multæ viduæ erant in diebus Helix in Israël, quādo cœlum est clausum annis tribus & mensibus sex, cum facta esset fames magna in omni terra: & ad nullam illarum missus est Helias, nisi in Sarepta Sidoniæ, ad mulierem viduam. Et multi leprosi erant in Israël sub Eli-

fæo Propheta, & nemo eorum  
mundatus est, nisi Naaman  
Syrus.

*Accedunt aliæ itidem Utilitates, &  
emolumenta non exigua; quæ insinuabo  
potius, quàm explicabo. An non magnū  
bonum est, quod quotidie pro Fundatori-  
bus offeruntur Deo preces & suffragia,  
sine intermissione? quod familiarum no-  
mina & imagines in Templis & Colle-  
giis, ad perpetuam rei memoriam inscul-  
puntur? quod posteri ad pietatem & de-  
votionem, parentum suorum exemplo,  
incitantur? quod alij, eodem exemplo,  
ad similes foundationes, quasi stimulo  
quodam diuinitus instigati permouen-  
tur? Nemo dubitat. Quare meritò gra-  
tulari Vobis possum ac debeo, quod ho-  
rum beneficiorum, quæ recensui, hæredes  
Vos esse, quod Althaimianam Famili-  
am tanto diuinæ gratiæ lumine corusca-  
re,*



re, quod Nomina Vestra per vniuersi  
Christiani orbis ambitum, adeoq; per i-  
psos Turcarum fines ac intimos reces-  
sus peruadere & celebrari, non modo au-  
diam, sed quasi apertis oculis, coram con-  
spicere ac intueri videar. Et vt huius  
meae gratulationis aliquod exstet apud  
posterorū vestigium, Libellum hunc,  
quem de Sanctorum inuocatione nuper  
conscripsi, amplissimo Vestro Nomini  
dedico consecroq;: Ac palam testari cu-  
pio, Vos nostrae Societatis Patronos ac  
Benefactores, immo & veluti parentes  
esse meritissimos: Deumq; Optimum Ma-  
ximum, qui hanc mentem Vobis inspira-  
uit, ex animo precor, vt pro isto Vestro  
merito, æternum gloriae præmium in cæ-  
lesti patria, pro sua infinita bonitate &  
clementia, Vobis largiatur. Quod om-  
nes, quotquot de Societate sunt, mecum  
ex animo precari, dubium non est. Vale-  
te Optimi Comites, & sempiternum vi-  
uite.

IO EPIST. DEDICATORIA.

uite. Viennæ ex Collegio Societatis I E.  
SV, Anno Christi 1616. Mense A-  
prili.

Totus Vester

Martinus Becanus.

APPRO-

APPROBATIO.

R. P.

PROVINCIALIS,  
IN PROVINCIA  
RHENI

**T**RACTATVM hunc P. Martini BE-  
CANI, De invocatione Sanctorum, a de-  
putatis ad id Theologis lectum & approbatum:  
Ego quoque, Henricus Scherenus, Societatis  
Iesu, ad Rhenum Præpositus Provincialis, ap-  
probo, & concessa mihi potestate ab Ad-  
modum R. P. N. Mutio Vitellisco, Societa-  
tis N. Præposito Generali, Typis mandari  
permitto. Moguntia, Anno 1616. die  
29. Iunii.

Henricus Scherenus.

DB

D E  
**INVOCATIONE**  
**SANCTORVM.**

I.



ATHOLICI docent, Sanctos cum Christo in cœlo regnantes, piè & cum fructu à nobis inuocari posse. Aduersa-

rij id negant. Primo, quia cedit in iniuriam Dei, qui solus vult inuocari, Deuteronom. 6. 13. & Marth. 4. 10, *Domini- num Deum tuum adorabis, & illi soli ser- uies.* Secundo, cedit in iniuriam Chri- sti, qui solus est Mediator & intercel- sor pro nobis apud Deum, 1. Timot. 2. 5. *Vnus Mediator Dei & hominum, homo Christus Iesus.* Tertio, est signum diffi- dentiae, quia quando confugimus ad Sanctos, videmur diffidere de bonita- te Dei, quasi ipse non sit paratus nos iu- uare. Quarto, est inutile, quia Sancti non audient preces nostras, quas ad i- psos fundimus. Vel, vt loquitur Cal- uinus



uinus lib. 3. Inſtit. cap. 20. §. 24. non habent *tam longas aures, ut ad noſtras voces porrigantur*. Quinto, nullum exſtat præceptum de Inuocatione Sanctorū. Nihil autem licet facere, quod præceptum nō eſt, Deut. 12. 39. *Quod tibi præcipio, hoc tantum facito*. Sexto, hæc inuocation noua eſt, nec in primitiua Eccleſia uſurpata. Denique, multi à Catholicis inuocantur, ut Sancti, qui nūquam in rerum natura exſtiterunt; cuiuſinodi ſunt, S. Georgius, S. Chriſtophorus, S. Hippolytus, S. Catharina: quos Galuinus *Laruas* appellat, libr. 3. Inſtit. cap. 20. §. 27.

2. Hæc argumenta magni ſunt ab aduerſariis. Sed reuera nullius momenti ſunt. Primo, quia pugnant cōtra quotidianam experientiam. Quotidie experiuntur Catholici prodeſſe ſibi Inuocationem Sanctorum. Nam alij ſanitatē corporis, alij donum caſtitatis, alij profectum in ſtudiis, alij alia beneficia per Sanctorum interceſſionem à Deo petunt, & impetrant. De qua re legantur authenticī Scriptores, S. Ambroſius lib. 4. Episto-  
rum,

rum, epistol. 34. quæ est de S. Agnete, Augustinus libr. 22. de Ciuitate Dei, c. 8. Theodoretus libr. 5. Historiæ cap. 24. Nilus in Epistola in septima Synodo act. 4. recitata, Gregorius Turonensis in libr. de gloria Martyrum & Confessorum, Gregorius Romanus libr. 3. Dialog. cap. 22. & sequentibus, & alij quamplurimi. Atque hæc experientia efficacissimū pro nobis argumētū est.

3. Accedit, quod pleraque, quæ ab aduersariis adferuntur, in ipsos retorqueri possint. Quæro enim, An liceat inuocare eos, qui nobiscum in hac vita degunt? Omnino inquierit. Et rectè. Nam Apostoli id fecerunt. Colos. 4. 2. *Orationi insiste, orantes simul & pro nobis, ut Deus aperiat nobis ostium sermonis ad loquendum mysterium Christi.* Et 1. Thess. 5. 22. *Fratres orate pro nobis.* Et 2. Thess. 3. 1. *De cætero fratres, orate pro nobis, ut sermo Dei currat.* Et Iacob. 5. 16. *Orate pro invicem, ut saluemini.*

4. Iterum quæro: An hæc inuocatio cedat in iniuriam Dei aut Christi? Itemq; an sit signum diffidetiæ? Nullo modo. Alioqui Apostoli illā non vsurpassent.

passent. Cur ergo inuocatio quam facimus ad Sanctos in cœlo regnantes, fingitur cedere in iniuriam Dei & Christi? aut cur putatur esse signū diffidentiae? Hic hærent aduersarij, & latibula quærunt. Sed in lucem educendi sunt: q̄ fiet, si legitimè explicentur testimonia Scripture, q̄ ab ipsis allatæ sunt: Et singula ipsorū argumēta seorsim dissoluatur. Vtrunq; præstabo hoc ordine.

1. An Sancti in veteri Testamento fuerint in cœlo?
2. An fuerint in statu beatitudinis seu æternæ gloriæ?
3. Si nec in cœlo, nec in statu beatitudinis fuerunt, in quo ergo loco & statu fuisse credendum est?
4. An Sancti in Nouo Testamento sint in cœlo & statu beatitudinis?
5. Si ibi sunt, an sciant, quæ apud nos geruntur?
6. Et si sciunt, an pro nobis intercedāt.
7. Et si intercedunt, an liceat ab illis petere, vt intercedant? Vel, quod idem est, an liceat ipsos inuocare?
8. An hæc inuocatio fieri possit sine iniuriâ Dei?

9. An



9. An sine iniuria Christi Mediatoris?
10. An sine diffidentia?
11. An ideo omittenda sit, quia præcepta non est?
12. An in primitiua Ecclesia fuerit v-  
surpata?
13. An aliqui Sancti inuocentur à no-  
bis, qui nunquam fuerunt in rerum  
natura?

His paucis quæstionibus res tota per-  
spiciuè explicabitur: Et simul consta-  
bit, tutius ac vtilius esse, inuocare San-  
ctos in cælo regnantes, quam nobis-  
cum in hac vita degentes; duplici de  
causa. Primo, quia non dubitamus de  
sanctitate eorum, qui in cælo sunt: pos-  
sumus autem dubitare de sanctitate  
eorum, qui nobiscum sunt. Secundo,  
quia certum est, illos aptiores esse ad  
intercedendum, quam hos: tum, quia  
arctiori vinculo cum Deo coniuncti  
sunt: tum, quia liberi à molestiis huius  
vitæ, quæ nos sæpe impediunt, vt o-  
rationi vacare vel non li-  
ceat, vel non lu-  
beat.



## PRIMA QVÆSTIO.

*An Sancti in veteri Testamen-  
to fuerint in cœlo?*

1. **H**Æ duæ quæstiones distinguen-  
dæ sunt: Vna, an fuerint in cœ-  
lo? Altera: An in statu beatitudinis,  
seu æternæ gloriæ? Nam prior agit de  
loco: posterior de statu. Constat autē,  
neque locum à statu, neque statum à  
loco necessariam habere dependen-  
tiam. Quod triplici exemplo demon-  
strari potest. Primo, quia Christus in  
hac vita mortali fuit in statu beatitudi-  
nis, non tamen in cœlo. Secundo, An-  
geli custodes nostri, quādo nobiscum  
versantur, non sunt in cœlo; & tamen  
sunt in statu beatorum, quia fruuntur  
clara Dei visione. (Matth. 18. 10.) Ter-  
tio, Dæmones initio creationis, ante-  
quam peccarent, fuerunt in cœlo; &  
tamen non erant beati.

2. Quod ergo ad priorem quæstio-  
nem attinet, certum est, Sanctos in ve-  
teri Testamento nō fuisse in cœlo, sed

B

in a.

in aliquo alio loco ; de quo dicemus quæstio.3. Ratio est, quia cœlum, propter peccatū primi parentis, fuit clausum hominibusvſque ad mortem Christi; nec vllus, ante Christum, illud ingressus est. Quod variis Scripturæ testimoniis probari potest.

3. Primo, ex illo Hebr. 6.20 *Vſque ad interiora velaminis, ubi præcursor pro nobis introiit Iesus, secundum ordinem Melchisedech, Pontifex factus in æternum.* Vbi per interiora velaminis, quæ erant in templo Salomonis, intelligitur cœlum & cœlestis gloria, vt explicant interpretes illius loci. Est ergo sensus, Christum intrasse cœlum, tanquā præcursorem reliquorum ; quia scil. primus fuit inter homines, qui post peccatum primi parentis, cœlum ingressus est. Vnde sequitur, Sanctos veteris Testamenti ante illum non fuisse ingressos.

4. Secundo, ex illo Hebr. 9. 8. *Hoc significante Spiritu Sancto nondum propagatam esse viam Sanctorum, adhuc priore Tabernaculo habente statum.* Quid Per hoc, quod Iudæi in veteri Testamento non



to non poterant ingredi in Sanctum Sanctorum, sed solus Pontifex; voluit significare Spiritus Sanctus, viam ad cœlum non fuisse apertam, quamdiu duravit vetus Testamentum; sed aperiendam per Christum, tempore passionis, quando velum templi scissum est. (Matth. 27. v. 51.)

5. Tertio, ex illo Hebr. 10. 19. *Habentes itaque fratres fiduciam in introitu Sanctorum in Sanguine Christi, quam initiavit nobis viam nouam per velamen, id est, carnem suam.* Quid clarius? Christus suo Sanguine parauit nobis nouam viam ad cœlum, quod antea clausum erat. Ad quod alludens D. Hieronymus in epistola ad Dardanum ait: *Sanguis Christi clauis Paradisi est.* Et D. Thomas 3. p. q. 49. art. 5. *Per passionem Christi aperta est nobis ianua regni cœlestis.* Plura Scripturæ & Patrum testimonia citabo quæst. 3. § 3. & 4.

6. Dices: Henoch & Helias fuerunt in cœlum translati, multo ante Christi aduentum. Nam de Henoch sic legimus, Gen. 5. 24. *Ambulauit cum Deo, & non apparuit, quia tulit eum Deus, nempe*

ex terra in cœlum. Quod clarius exprimitur Ecclesiast. 44. 16. *Henoch placuit Deo, & translatus est in Paradisum.* Similiter de Helia, 4. Reg. 2. 12. *Ascendit Helias per turbinem in cœlum.*

7. Respondeo: Hic vnum certum est, alterum incertū. Certum est, nec Henoch, nec Heliam fuisse translātū in cœlum, in quo nunc Sancti sunt, sed in aliquem alium locum. Nam cœlum in quo nunc Sancti sunt, clausum fuit hominibus per peccatum primi patris, vsque ad mortem Christi, vt ex Apostolo demonstratum est. Neque testimonia allata contrariū conuincunt. Ex eo enim, quod legimus, Henoch translatum esse in Paradisum, non sequitur, translatum esse in cœlum beatorum. Nam Paradisi nomine intelligi potest, vel Paradisus terrestris, in quo Adam fuit; vel aliquid aliud. Nec Christus, cum Latroni dixit: *Hodie, mecum eris in Paradiso*, intellexit cœlū beatorum; quia constat Christum eodīe non venisse in illud cœlum, sed in die Ascensionis. Similiter quod legimus, Heliam per turbinem ascendisse

in cœ-



in cœlum, nihil aliud significat, quàm ex terra subleuatum esse in aërem, & aliò transportatum. Est enim frequens in Scriptura, vt per cœlum intelligatur aër, vt Psal. 8. 9. *Volucres cœli, & pisces maris* Et Matth. 6. 26. *Respicite volatilia cœli* Et alibi.

8. Incertum tamen est, in quem locum translati sint Henoch & Helias. Aliqui putant, in Paradisum terrestrem, ex quo Adam expulsus est, vt D. Thomas 3 p. q. 49. artic. 5. ad 2. vbi ait: *Henoch raptus est in Paradisum terrestrem, vbi cum Helia simul creditur viuere vsque ad aduentum Antichristi*. Alij, quia existimant Paradisum illum tempore diluuij fuisse aquis obrutum, & destructum; dicunt eos in alio quodam amœno loco versari. Nihil definire possumus. Nec mirum videri debet, nos hoc ignorare. Multa alia ignoramus. Neq; nos soli. An non fatetur Apostolus de seipso, nescire se, in corpore, an extra corpus, raptus fuerit in Paradisum? (2. Corinth. 12. 3.) An non testatur Scriptura, nemini vnquam constitisse, quo loco Moses sepultus sit? (Deut. 34. 6.)

B 3

Et



Et dicant, obsecro, qui omnia scire se arbitrantur, ex quo loco Helias post raptum, scripserit epistolam ad Ioram Regem Iuda? (2. Paral. 21. 12.) Et quis epistolæ illius fuerit nuncius aut baiulus? Dicant similiter, an currus ille cū equis, quo in cœlum vectus est, in cœlo adhuc sit? Et quid agant ibi equi, & quo pabulo velcantur? In his & similibus præstat ignorantiam modestè fateri, quàm temerè aliquid definire.

---

SECUNDA QVÆSTIO.

*An Sancti in veteri Testamento fuerint in statu beatitudinis?*

1. **D**isputavi de loco. Nunc de statu inquirendum est. De quo Catholici sic sentiunt. 1. Sanctos veteris Testamenti vsque ad mortem Christi nō fuisse beatos. 2. Cēpisse tamen esse beatos, statim post mortem Christi. 3. Prius igitur fuisse beatos, quàm in cœlum ingressos: quia post mortē Christi expectarunt 40. dies, antequam cū  
Chri-



Christo in cœlum ascenderent. Hæc tria per totidem conclusiones declarabo.

2. PRIMA CONCLUSIO. Sancti veteris Testamenti nō fuerunt in statu beatitudinis ante mortem Christi. Ita D. Thomas 3. p. q. 49. art. 5. & q. 52. art. 5. Et probatur ex Apostolo Hebr. 11. 13. ubi ait: *Iuxta fidem defuncti sunt omnes isti, non acceptis re promissionibus, sed à longè eas aspicientes.* Et infra v. 39. *Hi omnes testimonio fidei probati, non acceperunt re promissionem, Deo pro nobis melius aliquid providente, ut non sine nobis consummarentur.* Ex quo loco manifestè constat, Noë, Abraham, & alios Sanctos veteris Testamenti, de quibus loquitur Apostolus, non statim post hanc vitam accepisse præmium æternæ beatitudinis, quod illis promissum erat, sed debuisse expectare aduentum Christi.

3. Et ratio duplex est. Vna, quia Deus non voluit quenquam admittere ad statum beatitudinis, nisi prius persolutum esset pretiū, quo per Christum redempti sumus è statu servitu-

tis, & ad statum libertatis filiorum adoptati. Hoc autem pretium non fuit persolutum, nisi in morte Christi. Tūc enim Sanguis ipsius pro nobis effusus est. (Coloss. 1. 14.) Tunc deletū est *chi-rographum decreti, quod erat contrarium nobis, & cruci affixum est*, vt loquitur Apostolus ad Coloss. 2. 14.

4. Altera, quia non decebat, vt Sancti veteris Testamenti prius adirent hereditatem æternæ vitæ, quam Sancti noui Testamenti: præsertim cum, illi fuerint filij Synagogæ; hi sint filij Ecclesiæ: Illi filij ancillæ; hi filij liberæ. (ad Gal. 4. 31.) Debebant igitur expectare, *ne sine nobis consummarentur*, vt Apostolus ait. Quo etiam spectat parabola Euangelica de denario diurno, qui non prius datus est illis operariis, qui summo mane conducti erant ad vineam, quam aliis, qui circa horam vndecimam accesserant.

5. Contra hanc Conclusionem tria obijci possunt. Primo, illud Hebr. 11. 33. *Sancti per fidem vicerunt regna, operati sunt iustitiam, adepti sunt re promissiones*, Vbi sermo est de Sanctis veteris Testamenti.



stamenti. Hi ergo, ante aduentum Christi, adepti sunt repromissionem vitæ æternæ. RESPONDEO. Iam ante contrarium ostendi ex eodem capite. Nec tamen Apostolus sibi ipsi contrarius est. Distinguit enim duplicem promissionem, quæ antiquis Patribus à Deo facta est. Vnam vitæ æternæ, quā non sunt consecuti ante Christi aduentum, iuxta illud: *Hi omnes testimonio fidei probati non acceperunt repromissionem.* Alteram boni alicuius temporalis, quam per fidem consecuti sunt, iuxta illud. *Adepti sunt repromissiones.*

6. Prior promissio erat vna & eadē respectu omnium iustorum: posterior diuersa ac multiplex, & respectu paucorum. Nam Abrahamo promissus fuit filius: Dauidi regnum: Ezechiae sanitas: aliis aliud quippiam. Illud ergo: *Adepti sunt repromissiones*, non intelligitur de omnibus Sanctis veteris Testamenti, sed de aliquibus tantum, ut hic sit sensus: Aliqui per fidem vicerunt regna, ut Iosue: Alij adepti sunt repromissiones temporales, ut Abraham, Dauid, Ezechias: Alij obtinuerunt ora-

*Leonum, vt Sampson, Dauid, Daniel: Alij exstinxerunt impetum ignis, vt pueri in fornace Babylonica: Alii aliud fecerunt. Et mox sequitur: Hi omnes testimonio fidei probati, non acceperunt re-promissiones* Q. D. Quamuis omnes illi fuerint sancti, & singuli per fidem aliquid eximium consecuti sint in hac vita: nemo tamen accepit præmium vitæ æternæ, quod illis promissum fuit, quia Deus non prius voluit illud donare, quàm veniret Christus, cuius merito & intercessione erat donandum. Hoc est, quod ante dixerat, cap. 9. v. 15. *Vt morte eius intercedente, re-promissionem accipiant, qui vocati sunt, æternæ hereditatis.*

7. Secundo obiicitur illud Ecclesiast. 11. 27. *Facile est coram Deo, in die obitus retribuere unicuique secundum vias suas.* Hinc enim videtur colligi, vnumquemque statim post mortem accipere præmium vel pœnam, prout meritus est. Et confirmatur exemplo Lazari & Epulonis: quorum hic cruciatum, ille consolationem statim percepisse legitur. (Luc. 16. 25) Respondeo.

Hæc



Hęc obiectio nihil aliud probat, quàm iustos, qui in hac vita affliguntur, statim post hanc vitam percipere gaudiū & consolationem: Impios vero, qui hic perfruuntur voluptatibus, percipere dolorem & cruciatum. Potest autem duplex esse gaudium post hanc vitam. Vnum de superatis miseriis huius vitæ, & simul de securitate æternæ beatitudinis obtinendæ. Alterum de ipsa beatitudine iam obtenta. Igitur in veteri Testamento, Sancti statim post hanc vitam percipiebant prius gaudium: non tamen posterius, nisi post mortem Christi. Sed hinc oritur

8. Tertia obiectio. Impii statim post mortem sunt in æterna damnatione: Ergo & iusti statim in æterna beatitudine. Sic enim seruatur debita proportio. Nam sicut iustitia exigit, vt pœna impiorum, quam quisque meritus est, non differatur; sic etiam de præmio iustorum sentiendum est, iuxta illud Leuit. 19. 13. *Non morabitur opus mercenarij tui apud te vsque mane.*

9. Respondeo. Hęc proportio non potuit seruari in veteri Testamento.

Tunc

Tunc enim erat dispar ratio pœnæ ac præmii: damnationis ac beatitudinis. Quod dupliciter ostendo. Primo, quia via ad pœnam & damnationem iam erat aperta per peccatum primi parentis. (Rom. 5. 12.) Via autem ad præmium & beatitudinem nondum erat aperta, sed aperienda per mortem & satisfactionem Christi. Secundo, quia qui tunc peccabant mortaliter, per se merebâtur pœnam & damnationem, sine vlla dependentia ab alio. Qui autem bene agebant, non merebantur per se præmium & beatitudinem, sed dependenter à futuro merito & passionem Christi. Hi ergo debebant expectare Christum, antequam acciperent perfectum præmiũ, quod in clara Dei visione consistit. Illi autem poterant statim puniri, quia sine vlla dependentia à futuro tempore, pœnam erant commeriti.

IO. SECUNDA CONCLUSIO.  
Sancti veteris Testamenti, statim post mortem Christi, cōsecuti sunt statum beatitudinis, seu visionis beatificæ. Ita D. Thomas locis citatis. Et ratio sumitur



mitur ex dictis, quia sicut Adam suo peccato exclusit nos à beatitudine, ita Christus per suam mortem nos admisit. (Rom 5. 18.) Huc spectat illud Hebræor. 9. 15. *Christus novi Testamenti Mediator est, ut morte intercedente, in redemptione earum prauaricationum, quæ erant sub priori Testamento, repromissionem accipiant, qui vocati sunt, æternæ hereditatis.*

II. Et confirmatur primo, quia Deus, cum sit optimus & liberalissimus, statim confert præmium, si nullum aliud sit impedimētum: At post mortem Christi, nullum erat impedimentum, nec ex parte Dei, cui iam satisfactum erat à Christo per effusionem proprii Sanguinis: nec ex parte Sanctorum, qui ab omni peccato erant expiati, ut suppono: Ergo post mortem Christi datum est illis præmium æternæ beatitudinis.

12. Secundo, idem colligitur ex illo Matth. 27. 51. *Velum templi scissum est in duas partes à summo usque deorsum.* Qui locus, tãetsi admittat varias interpretationes, ut videre est apud Maldonat.

non

non male tamen accommodari potest ad nostrum propositum. Significat enim, Christo in cruce moriente, aper- tam esse ianuam vitæ æternæ, quæ an- tea per peccatum primi parentis oc- clusa fuerat; & licere omnibus, qui ve- lint, ingredi. Nam velum templi Salo- monis, quod prohibebat Iudæis adi- tum ad Sancta Sanctorum, fuit typus seu figura, quæ demonstrabat, non pa- tere accessum nobis ad æternam bea- titudinem, nisi per mortem & Sangui- nem Christi. Quod testatur Apostolus Hebr. 10. 19. cum ait: *Habentes itaque fratres fiduciam in introitu Sanctorum in Sanguine Christi, quam initiavit nobis viâ nouam, & viuentem, per velamen, id est, carnem suam.* Videantur Interpretes illius loci.

13. Hoc ipsum fuit significatum per Arcam Testamenti, quæ, vt aliqui no- tant, fuit figura crucis Christi. Nam sicut per Arcam, quam portabant Sa- cerdotes Araonici, diuisæ sunt aquæ Iordanis, & populo Hebræorum pate- factus est aditus ad terram promissio- nis (Iosue 3. 4.) ita per crucem Christi, quæ



quæ portabat Sacerdotem secundum ordinem Melchisedech, diuisum est velum templi, & populo Dei reuerata est ianua seu introitus ad æternam fœlicitatem, quæ fidelibus promissa est.

14. TERTIA CONCLUSIO. Sancti Veteris Testamenti, de quibus dictum est, post dies 40. cum Christo in cœlum ascenderunt, qui est proprius beatorum locus. Constat ex illo Eph. 4. 8. *Ascendens in altum captiuam duxit captiuitatem*, id est, Christus tanquam victor & triumphator ascendens in cœlum, duxit secum Patriarchas, Prophetas, aliosq; Sanctos veteris Testamenti, qui antea quasi captiui detinebantur, & quos ipse post mortem, cum ad inferos descenderet, è captiuitate liberauerat. Hinc sequitur, prius fuisse beatos, quàm ad cœlum peruenirent. Nam statim beatitudinis adepti sunt statim post mortem Christi, vt dictum est. Deinde expectarunt per 40. dies, quibus expletis, vna cum Christo in cœlum assumpti sunt.

15. Hic duo solent curiosè à nōnullis inuestigari. Alterū, vbi fuerint per illos

illos 40. dies? Aliqui putant mansisse in Limbo Patrum, de quo paulò post in sequenti quæstione. Alij, cum Christo conuersatos esse super terram, licet ab hominibus nō viderentur. Alij denique, in Paradiso terrestri cum Henoch & Helia tantisper habitasse. Nihil certi definire possumus. Hoc vnū videtur certum, vbiq; fuerint, fuisse in statu beatitudinis, antequam cū Christo in cœlum ascenderent.

16. Alterum, qui nam fuerint illi Sancti? Si generatim loquamur, certum est fuisse illos omnes, qui nihil habebant expiandum in Purgatorio. Si speciatim, crediderim eos fuisse, qui commendantur ab Ecclesiastico cap. 44. & sequentibus, vt sunt Noë, Abraham, Isaac, Iacob, Moses, Aaron, Phinees, Iosue, Caleb, Samuel, Nathan, David, Heliseus, Ezechias, Iosias, Ezechiel. Duodecim Prophetae, Zorobabel, Nehemias, Ioseph, Seth, Sem. His addo Latronem cum Christo crucifixum, pueros innocentes ab Herode interfectos, Ioannem Baptistam. Item Adam & Euam, Iob, Tobiam, Melchisedech,



dech, Abel, & alios. Denique, quos Apostolus Hebr. 11. recenset. Excipio tamen Henoch & Heliam, qui alibi adhuc commorantur. De quibus supr. quæst. 1. §. 7. & 8.

### TERTIA QVÆSTIO.

*In quo loco & statu fuerint Sancti veteris Testamenti ante Christi mortem?*

1. **D**Iximus nec in cœlo fuisse, nec in statu æternæ beatitudinis. In quo ergo statu & loco fuisse credendū est? Catholici sic statuunt. 1. fuisse in loco quodam subterraneo. 2. retinuisse fidem, spem, & charitatem. 3. non tamen potuisse mereri per actus fidei, spei & charitatis. 4. fuisse in gratia cōfirmatos, ut peccare amplius non potuerint. 5. orasse pro se, & pro viuētib; in hac mortali vita, saltem in cōmuni; licet à viuētib; non fuerint inuocati. 6. Perfusos fuisse magno gaudio & consolatione. Singula breuiter  
C expli-

explicabo per sequētes conclusiones.

2. PRIMA CONCLUSIO. Sancti veteris Testamenti, vsque ad mortem Christi, detinebantur in quodam loco subterraneo, quem Scriptura variis nominibus appellat. Primo Infernū, vt Genes. 37. 35. *Descendam ad filium meum lugens in infernum.* Secundo, Lacū sine aqua, vt Zach. 9. 11. *Tu quoq; in sanguine testamēti tui emisisti vinctos tuos de lacu, in quo non est aqua.* Tertio, Sinū Abrahæ, vt Lucæ 16. 22. *Factū est, vt moreretur Mendicus, & portaretur ab Angelis in sinum Abrahæ.* Quarto, Carcerem, vt 1. Petr. 3. 19. *In quo & his, qui in carcere erant, spiritibus, veniens predicauit.*

3. Theologi Limbum Patrū vocare solent. Et hic ipse locus est, ad quem anima Christi descendit post mortem. De quo Eph. 4. 9 *Descendit in inferiores partes terre.* Et in Symbolo: *Descendit ad inferos.* Et August. libro 20. de Ciuitate Deic. 15. *Non absurde creditur, antiquos Sanctos, qui venturi Christi tenuerunt fidem, apud inferos fuisse, donec eos inde Sanguis Christi, & ad ea loca descensus erueret.* Et Cyprianus in Sermone de vñctione  
Chris-



Chriftmatis in fine: *Paſſus eſt Rex illudi, & vita occidi, descendensq; ad inferos captiuam ab antiquo captiuitatem reduxit.* Et Hieronymus in cap. 4. ad Ephesios: *Inferiora terræ infernus accipitur, ad quæ Dominus noſter, Saluatorq; descendit, vt Sanctorum animas, quæ ibi tenebantur incluſæ, ſecum ad cælos victor abduceret.*

4. Huc ſpectat, quod lib. 1. Regum cap. 28. v. 12 legimus, Samuelem viſum eſſe de terra ascendere. Quamuis enim aliqui putent, fuiſſe imaginem, aut phantaſma Samuelis; probabilius tamen eſt, fuiſſe ipſum Samuelem, qui ex loco ſubterraneo, ſeu ex Limbo Patrum aſcenderit, vt annuntiaret Sauli, quæ euentura eſſent in bello contra Philiftæos ſuſcepto. Sic enim ſentiunt grauiſſimi authores, Baſilius, Ambroſius, Hieronymus, Auguſtinus, & alii apud Bellarminum libro 4. de Chriſto capite II. Et merito; quia Eccleſiaſticus capite 46. verſu 23. expreſſè dicit, Samuelem poſt mortem prophetaſſe. *Poſthæc, inquit, dormiuit Samuel, & nōtum fecit Regi (Sauli) & oſtendit illi finē vitæ ſuæ.* Oſtendit autē, vt habetur

1. Reg. 28. v. 19. his verbis: *Cras tu & filij tui mecum eritis, &c.*

5. SECUNDA CONCLUSIO. Sancti Veteris Testamenti existentes in loco subterraneo seu Limbo Patrum, retinebant fidem, spem & charitatem, usque ad mortem Christi: At post mortem Christi, solam charitatem. Prior pars patet, quia cum essent iusti, ut suppono, non poterant esse sine charitate: Et cum non essent otiosi, non poterant esse sine actu charitatis. Actus autem charitatis, cum sit supernaturalis, requirit aliquam cognitionem supernaturalem & sibi proportionatam. Hæc autem cognitio ante mortem Christi, non poterat esse clara visio diuinæ essentiae, in qua beatitudo consistit: Ergo debuit esse obscura cognitio fidei. Porro, cum hac cognitione fidei, cōiuncta fuit spes futuræ beatitudinis, quam impensè expectabāt.

6. Posterior similiter patet, quia post mortem Christi erant beati, ut supra ostensum est: Ergo habebant claram & intuitivam Dei visionem, in qua consistit beatitudo. At fides cū sit obscura,  
non



non potest manere cum clara visione. Sublata autem fide, tollitur spes. Man-  
sit igitur sola charitas, de qua Aposto-  
lus 1. Corinth. 13. 8. *Charitas nunquam  
excidit, &c.*

7. TERTIA CONCLUSIO. Sancti  
existentes in Limbo Patrum, tamen si  
retinerent fidem, spem & charitatem,  
vt dictum est; non tamen per actus illa-  
rum virtutum poterant aliquid mere-  
ri de condigno. Ratio est, quia licet il-  
li actus essent boni, laudabiles, & Deo  
grati, non tamen erant meritorij pro-  
pter circumstantiam status, in quo ex-  
ercebantur. Deus enim voluit, vt nul-  
lus actus esset meritorius, nisi in hac vi-  
ta mortali. Hic voluit esse tempus la-  
boris & certaminis, meriti & demeri-  
ti; non post hanc vitam. Vnde frequē-  
ter hortatur nos Scriptura, vt si quid a-  
pud Deum mereri cupimus, id in hac  
vita faciamus. 2. Corint. 6. 2. *Ecce, nunc  
tempus acceptabile, Ecce nunc dies salutis.*  
Et Galat. 6. 10. *Dum tempus habemus, o-  
peremur bonum.* Et Augustinus in En-  
chiridio cap. 110. *Hic omne meritum cō-  
paratur, quo possit post hanc vitam releua-  
ri quis.*

*ri quisquam, vel grauari. Nemo autem se speret, quod hic neglexerit, cum obierit, apud Deum promereri.*

8. QVARTA CONCLUSIO. Iudē Sancti sic erant in gratia & charitate confirmati, vt peccare amplius non possent, nec gratiam & charitatem amittere. Erant enim extra statum huius vitæ mortalis, ac proinde extra statum merendi ac demerendi, vt dictum est. Deus enim statuit, vt talis quisque maneat post hanc vitam, qualis fuit in ipsa morte, cum ex hac vita decessit, iuxta illud Ecclesiastæ ii. versu 3. *Sic ceciderit lignum ad Austrum, aut ad Aquilonem, in quocunque loco ceciderit, ibi erit.* Hic per casum significatur mors: per Austrum status gratiæ: per Aquilonem, status peccati. Sensus ergo est, omnem hominem, vel in gratia, vel in peccato mortali ex hac vita decedere: Et quantum ad hoc, in eo statu, in quo decedit, perpetuo permanere, vt exponit Hieronymus & alii. Sancti igitur veteris Testamenti, quia in statu gratiæ ex hac vita decesserunt, vt supponimus; non potuerunt gratiam peccan-



peccando amittere, sed omnino impeccabiles perseuerarunt.

9. Q V A E R E S, Vnde factum sit, quod essent impeccabiles? Ratio est, quia cōstat, neminem natura sua esse impeccabilem, iuxta illud Rom. 3 4. *Omnis homo mendax*. Vnde ergo impeccabilitas illa, si ex natura non est, provenire potest?

R E S P O N D E O. Si generatim loquamur, potest provenire ex triplici causa. Primo ex Vnione hypostatica. Sic solus C H R I S T V S est impeccabilis. Secundo, ex visione beatifica. Sic omnes beati sunt impeccabiles. Terrio, ex singulari D E I protectione & gubernatione. Sic Beata Virgo in hac vita, & omnes iusti in Limbo Patrum, vel in Purgatorio fuerunt impeccabiles.

10. Q V I N T A C O N C L V S I O. Idem Sancti in Limbo existentes, non solum pro se & redemptione sua, sed etiam pro aliis in hac vita mortali degentibus, obnixè D E V M orabant. Prior pars certa est, quia constat, eos pro se, & redemptione sua orasse, cum

adhuc essent in hac vita. Isaia 45. 8. *Rorate cæli desuper, & nubes pluant iustum: aperiatur terra, & germinet Saluatorem.* Et cap. 64. 1. *Vtinam dirumperes cælos, & descenderes.* Et Psalm. 78. 8. *Cito anticipent nos misericordiae tuæ.* Ergo multo magis id fecerunt post hanc vitam, cum ad orandum liberiores & expeditiores essent, propter depositionem corporis, quod deuotionem impedire solet. præsertim cum non minus expectarent tunc Saluatorem, quam ante.

II. Posterior pars aperte colligitur ex Scriptura. Nam lib. 2. Machab. cap. 15. v. 12 expressè dicitur, *Oniam & Ieremiam, qui iam defuncti erant, visos esse orare pro omni populo Iudeorum, & vniuersa ciuitate sancta.* Eodem spectat illud Ierem. 15. 1. *Sisteterint Moses & Samuel coram me, non est anima mea ad populum istum.* Q. D. Tanta est malitia & ingratitudo populi Iudeorum, vt etiã si Moses & Samuel (qui tunc erant in Limbo Patrum) pro illo apud me intercederent, non exaudirem illos, cum tamẽ aliàs solitus sim eos exaudire, quia mihi charissimi & coniunctissimi sunt.

Vide



Vide Maldonatum in illum locum.

12. Quæres, An Sancti in Limbo orauerint pro viuentibus in communitantum, an etiam pro hoc aut illo in particulari? Respondeo. Dupliciter intelligi potest, aliquem pro hoc aut illo orare in particulari. Primo, vt oret pro persona particulari, non tamen in negotio particulari, sed generatim sub hac forma: *Oro seu deprecor pro Petro, vt omnia feliciter illi succedant.* Secundo, vt oret non solum pro persona particulari, sed etiam in negotio particulari, ad hunc modum: *Oro seu deprecor pro Petro, vt ex feбри, quâ affligitur, conualeſcat.* Igitur Sancti in Limbo poterant vtroq; modo pro viuētib; orare. Priori quidem, quando habebant notitiam alicuius personæ, non tamen in particulari sciebant illius statum aut necessitatem. Posteriori, quando & personam, & particularem eius necessitatē cognoscebant. Poterant autem tripliciter cognoscere. Primo, ex ea notitia, quam ex hac vita secum asportauerāt; quo pacto diues epulo in inferno sciebat statum & necessitatem suorum fra-

trum. (Lucæ 16. 28.) Secundo, ex relatione aliorum hominum, qui quotidie ex hac vita ad illos commigrabāt; quo pacto nos, qui Viennæ sumus, multa cognoscimus de negotiis Pragenſibus, ex relatione eorum, qui Pragâ Viennam veniunt. Tertio, ex colloquio Angelorum, qui aliquando conſolandi cauſa illos adibant; quo pacto Tobias multa cognouit ab Angelo Raphaele, cū ab illo in regionem Medorum ducebatur. (Tobiæ 6.)

13. Dices, Si Sancti in Limbo orabant pro uiuentibus in particulari, ſicut iam explicatum eſt; Ergo uiuentes poterant illos inuocare. At nunquam legimus in Veteri Teſtamento, quod uiuentes inuocauerint Sanctos in Limbo exiſtentes. Nullus enim legitur dixiſſe, *Sancte Abraham ora pro nobis*: cum tamen in nouo Teſtamento confidenter dicamus, *Sancta Maria ora pro nobis*.

14. RESPONDEO. Aliud eſt, Sanctos pro nobis orare: aliud, Sanctos à nobis inuocari. Vt ipſi orent pro nobis, non requiritur àlia cognitio, quam  
vel



vel solius personæ, pro qua orant; vel simul etiam particularis necessitatis, in qua persona constituta est. Vt autem à nobis inuocentur, requiritur alia cognitio, quâ nimirum intelligant aut percipiant preces nostras, quas ad ipsos fundimus. Et in hac re magna est differentia inter Sanctos Veteris ac noui Testamenti. Nam hi, ratione sui status, possunt infallibiliter cognoscere orationes viuentium, quæ ad ipsos diriguntur: Illi, ratione sui status, non poterant. Quod fusius explicabo quæst. 5.

15. Hic tamen obiter notandum est, Sanctos dupliciter à nobis inuocari posse. Primo, directè, quod tunc fit, quando oratio nostra immediatè dirigitur ad ipsos Sanctos; vt si dicam, *Sancte Petre ora pro nobis*. Secundo, indirectè, quod tunc fit, quando oratio nostra immediatè dirigitur ad Deum, repræsentando illi merita Sanctorum; vt si dicam, *Domine Deus adiua nos propter merita Sanctorum tuorum*. Priori modo non fuerunt inuocati Sancti in Veteri Testamento, vt dictum est; sed



sed tamen posteriori. Hoc patet exemplo Moſis & Azariæ. Nam Moſes Exodi 32. 13. ſic orauit: *Recordare Domine Abraham, Isaac & Iacob ſeruorum tuorum.* Similiter Azarias in fornace Babylo- nica, Dan. 3. 34. *Ne quaſumus Domine tradas nos in perpetuum propter nomen tuum, neq<sup>3</sup> auferas miſericordiam tuam à nobis propter Abraham dilectum tuum, & Isaac ſeruum tuum, & Iſrael ſanctum tuum.*

16. Simile quid fit in rebus humanis. Nam duobus modis poſſum petere patrocinium aut ſubſidiũ alicuius amici apud Imperatorem. Primo, directè, vt ſi dicam illi: Obſecro mi Petre, promoue cauſam meam apud Cæſaream Maieſtatem. Secundo, indirectè, vt ſi dicam Imperatori: Obſecro, Inuietiſſime Imperator, præſta mihi hoc beneficium, ſi non mei cauſa, ſaltem in gratiam Petri, quem & ſcio charum tibi eſſe: &, ſi coram ad eſſet, ſine dubio pro me intercederet. In priori caſu neceſſe eſt, vt Petrus cognoſcat meam petitionem: in poſteriori, non item.

17. **SEXTA CONCLUSIO.** Sancti  
exiſten-

existentes in Limbo, carebant omni  
pœna ignis, & magno gaudio ac con-  
solatione afficiebantur: tum ob statũ  
gratiæ, in quo sciebant se esse confir-  
matos: tum ob infallibilem spem fu-  
turæ gloriæ, quam à venturo Messia ex-  
pectabant. Hoc patet exemplo Laza-  
ri, de quo dicitur Lucæ 16. 25. *Nunc au-  
tem hic consolatur.* Quæres, An nullam  
omnino pœnam habuerint? Respon-  
deo. Habuerunt temporalem pœnam  
damni, vt loquuntur Theologi, id est,  
carentiam visionis beatificæ, vsque ad  
aduentum Christi. Et probabile est ex  
hac dilatione secutum esse aliquem a-  
nimi dolorem, vt docet D. Thomas 3.  
p. quæst. 52. ar. 2. ad 2. Et citat illud Pro-  
uerb. 13. 12. *Spes, quæ differtur, affligit ani-  
mam.* Vnde D. Gregorius libr. 13. Mo-  
ralium cap. 16. *Grane, inquit, tedium e-  
lectis fuit, post solutionem carnis, adhuc spe-  
ciem non videre Creatoris. Quod tedium  
non immerito B. Iob tenebras vocat. Nimi-  
rum cum ait cap. 17. v. 13. Si sustinero,  
infernus domus mea est, & in tenebris stra-  
ui lectulum meum.*

QVAR.



## QVARTA QVÆSTIO.

*An Sancti Noui Testamenti  
sint in cœlo & statu beatitu-  
dinis?*

1. **D**E hac re sunt tres Caluini sententiæ inter se pugnantes. Prima, quod stultum ac temerarium sit inquire, An Sancti sint in cœlo & cœlesti gloria. Altera, quod omnino sint in cœlo & cœlesti gloria. Tertia, quod expectent cœlestem gloriam vsque ad diem iudicij.

2. Primam tradit libro 3. Instit. cap. 25. §. 6. his verbis: *Valde se torquent multi disputando, quem locum occupent, & an cœlesti gloria fruantur, nec ne. Atqui stultum ac temerarium est, de rebus incognitis altius inquirere, quàm Deus nobis scire permittat.* Et paulo post: *Omnia tenentur suspensa, donec Christus appareat Redemptor.*

3. Alteram tradit in Psychopannychia, vbi inter alia sic habet: *Electi Dei, qui ex hac vita transierunt, Deo fruuntur ad satietatem, citra fastidium.* Et ibidem:



*In cœlesti Ierusalem Deus pacis dat se vidē-  
dum suis pacificis, iuxta Christi promissum.  
Et alibi, vt paulo post videbimus.*

4. Terciam tradit lib. 3. Inst. c. 25. §.  
6. *Scriptura, inquit, ubique iubet nos pen-  
dere ab expectatione aduentus Christi, &  
gloria coronam eousque differt. Et ibi-  
dem: Anima piorum, militia labore per-  
functa, fruitionem promissæ gloria expe-  
ctant.*

5. Catholici constanter docent cū  
Patribus Concilij Tridentini, Sanctos  
noui Testamenti, si nihil purgandum  
aut expiandum habeant, regnare cum  
Christo in cœlo, & frui cœlesti beati-  
tudine. Ratio est, quia non debent es-  
se deterioris conditionis quàm Sancti  
Veteris Testamenti. At hi statim post  
mortem Christi admissi sunt ad cœlū  
& cœlestem gloriam, vt supra osten-  
sum est: Ergo etiam Sancti Noui Testa-  
menti statim admittuntur.

6. Et confirmatur primo ex Aposto-  
lo 2. Corinth. 5. 1. vbi ait: *Scimus, quoni-  
am si terrestris domus nostra huius habi-  
tationis dissoluatur, quod ædificationem ex  
Deo*

*Deo habemus, domum non manufactam, aeternam in cælis, id est: Quando ex hoc mortali corpore discedimus, sumus cum Deo in cælis. An statim? Omni-  
no. Sequitur enim; Dum sumus in corpore, peregrinamur à Domino. Audemus autem, & bonam voluntatem habemus, magis peregrinari à corpore, & præsentem esse id Dominum. Vbi vides hæc duo cō-nexa esse: Dum sumus in corpore, peregrinamur à Domino. Et similiter hæc duo: Dum peregrinamur à corpore, præsentem sumus ad Dominum. At Sancti, qui in nouo Testamento moriuntur, peregrinantur à corpore: Ergo præsentem sunt ad Dominum.*

7. Hoc testimonio cōuictus est Calvinus in Psychopannychia, ubi ait: *Vt nihil addamus, verba Apostoli sine interprete hoc loquuntur, nos sensuros Dei præsentiam, cum ab hoc corpore separabimur: iam non per fidem ambulaturos, sed per speciem, quoniam hoc terra pondus, quo premimur, nos à Deo, quasi maceries longo intervallo separat.*

8. Secundo confirmatur ex eodem Apostolo, Philip. 1. 23. *Coarctor*, inquit,  
è duo-



*è duobus, desiderium habens dissolui, & esse cum Christo, multo magis melius: permanere autem in carne, magis necessarium propter vos. q. d. Ex vna parte cupio mori, vt possim esse cum Christo: ex altera cupio viuere, vt possim vobis prodesse. Hoc non diceret si Sancti post hanc vitam non statim essent cū Christo, sed alibi delitescerent vsque ad diē iudicij. Vnde Calvinus in Commentario illius loci scribit: *Paulus aperte testatur, nos frui Christi presentia, cum dissoluimur.**

9. Idem docent Patres Græci & Latini apud Bellarminum libr. 1. de Sanctis cap. 4 & 5. Et ratio est, quia Deus, si aliunde nihil obstat, pronior est ad miserendum & remunerandum, quàm ad puniendum, Ps. 144. 9. *Suauis Dominus vniuersis: & miserationes eius super omnia opera eius.* Et hoc sensu dicunt Theologi, Deum punire impios citra condignum, & remunerari iustos ultra condignum. At impios statim punit post hanc vitam in inferno (Lucæ 16. 22.) Ergo etiam iustis, si aliunde nihil obstat, statim post hanc vitam con-

D

fert

fert præmium in cœlo. At certum est, nihil iam obstare: tum quia cœlum per Christi Sanguinem apertum est: tum etiam, quia Sancti veteris Testamenti pridem illud ingressi sunt. Cur ergo Sancti noui Testamenti non statim ingrediantur, præsertim si nihil in Purgatorio expiandum habent? Non video causam dilationis.

10. Dices, Præmia non solent distribui, nisi præmisso examine & iudicio: sed in nouissimo primum die fiet examen & iudicium (Matth. 25. 31.) Ergo tunc primum distribuenda sunt præmia. RESPONDEO. Duplex est iudicium: Alterum particulare post hanc vitam, in quo distribuuntur præmia & pœnæ animarum. Et de hoc multi interpretantur illud Hebræorum 9. 27. *Statutum est hominibus semel mori, post hoc autem iudicium.* Alterum generale in nouissimo die, in quo distribuuntur præmia & pœnæ corporum. De quo Matthæi 24. 30. *Tunc parebit signū Filij hominis in cælo, & tunc plangent omnes tribus terræ, & videbunt Filium hominis venientem in nubibus cæli cum virtute*



*tute multa & maiestate.* De vtroque iudicio scribit Augustinus lib. 2. de anima & eius origine cap. 4. D. Thomas 3. p. q. 59. art. 5. & alij passim.

11. Dices 2. Anima Christi non ascendit in cœlum, nisi resumpto prius corpore: Ergo nec animæ Sanctorum debent ascendere, nisi resumptis prius corporibus, quod fiet in fine mundi; alioqui discipuli essent supra magistrū, & serui supra dominum. Respondeo. Contrarium potius sequitur. Nam ex speciali priuilegio factum est, quod Christus ante generalem corporum resurrectionem, resumpserit corpus suum glori sum: quod priuilegium debebatur illi, ratione vnionis hypostaticæ. Et ex ea parte superauit suos discipulos ac seruos.

## QVINTA QVÆSTIO.

*An Sancti in cælo sciant, quæ apud nos geruntur.*

1. **N**ON est quæstio, An simpliciter & absolutè sciant omnia, quæ apud nos fiunt; sed an sciant ea, quæ ad ipsos aliquo modo spectant? cuiusmodi, inter cætera, sunt etiam orationes nostræ, quæ ad ipsos diriguntur. Aduersarij negant. Primo, quia Scriptura dicit, solum Deum nosse cogitationes nostras: mortuos verò nihil scire de nobis, vt 3. Reg. 8. 39. *Tu nosti solus cor omnium filiorum hominum.* Et Ecclesiastæ 9. 5. *Viuentes sciunt se morituros: mortui vero nihil nouerunt amplius.* Et Iob 14. 21. *Siue nobiles fuerint filij eius, siue ignobiles, nō intelliget, nempe post mortem.* Et Isaia 63. 16. *Abraham nesciuit nos, & Israël ignorauit nos.*

2. Deinde, quærit Caluinus libro 3. Instit. cap. 20. §. 24. vnde constet nobis, Sanctos habere tam longas aures, quæ ad nostras voces porrigantur, & oculos



os tam perspicaces, qui necessitatibus nostris aduigilent? Quid Catholici sentiant, breuiter explicandum est per duas conclusiones; quarum prima agget de Angelis: posterior de aliis Sanctis.

3. PRIMA CONCLUSIO. Angeli cognoscunt ea, quæ apud nos geruntur. Hoc concedunt aduersarij. Et probatur clarissimis Scripturæ testimoniis. Primo, quia cognoscunt nostras orationes, & illas Deo offerunt, vt de se fatetur Angelus Raphael, Tob. 12. 12. his verbis: *Quando orabas cum lachrymis, ego obtuli orationem tuam Domino.* (vide Augustinum epist. 120. ad Honoratum cap. 29.) Et de alio Angelo legimus Apoc. 8. 3. *Alius Angelus venit, & stetit ante altare, habens thuribulum aureum: & data sunt illi incensa multa, vt daret de orationibus Sanctorum omnium super altare aureum, quod est ante thronum Dei. Et ascendit fumus incensorum de orationibus Sanctorum de manu Angeli coram Deo.*

4. Secundo cognoscunt internam conuersionem & pœnitentiam peccatoris.

catoris. Lucæ 15. 7. *Dico vobis, quod ita gaudium erit in cælo super uno peccatore pœnitentiam agente, quam super nonaginta nouem iustis, qui non indigent pœnitentia.* Et infra v. 10. *Ita dico vobis, gaudium erit coram Angelis Dei super uno peccatore pœnitentiam agente.*

5. Tertio, cognoscunt omnem cultum, quem Deo exhibemus. Psal. 137. 1. *In conspectu Angelorum psallam tibi.* Vsitatum est in Scripturis, facere aliquid in conspectu Dei, in conspectu Angelorum, in conspectu hominum, id est, in spiciente Deo, Angelis, hominibus. Quem modum loquendi vsurpat etiam Caluinus lib. 4. Insti. cap. 14. §. 1. cum ait, nos in vsu seu perceptione Sacramentorum, *testari coram Angelis nostram erga Deum pietatem.*

6. Quarto, cognoscunt habitum & honestatem mulierum in publicis cõuentibus, vbi fit oratio. 1. Corinth. 11. 5. *Omnis autem mulier orans aut prophetans, non velato capite, deturpat caput suum.* Et infra v. 10. *Ideo debet mulier velamen habere supra caput propter Angelos.* Vel, vt alij legunt: *Ideo debet mulier po-*  
*testa-*



*statem habere supra caput propter Angelos.* Vtriusque tamen lectionis idem est sensus. quasi dicat: Mulier cum orat, debet esse velato capite propter Angelos, vt habeat illos testes & inspectores sui pudoris & obedientiæ erga virum. Nam velamen, quod mulier gestat in capite, significat, eam subiectam esse potestati viri: Et virum quasi insidere & dominari ipsius capiti. Vide Chrysostomum, Theophylactum, Theodoretum, Anselmum, & Diuum Thomam in Commentario illius loci.

7. SECUNDA CONCLUSIO. Nō soli Angeli, sed etiam alij Sancti in cœlo viuentes cognoscunt ea, quæ apud nos geruntur: præsertim nostras orationes, quas ad ipsos fundimus, & necessitates, in quibus versamur. Hoc variis argumentis probari potest. Primum sumitur ex Apocalypsi Ioannis. Alterum ab exemplo Sanctorum in hac vita degentium. Tertium ab exemplo Angelorum. Quartum ex natura & lege amicitæ, qua Sancti in Cœlo, DEO intimè coniuncti

D 4 sunt,

sunt. Quintum ex auctoritate Patrū. Singula seorsim proponam, ac deinde respondebo ad testimonia Scripturæ in contrarium allata.

# I. ARGUMENTVM.

## Ex Apocalypsi Ioannis.

8. **P**rimum argumentum sic propono: Ioannes in Apocalypsi expressè tradit, Sanctos in cælo non solum cognoscere nostras orationes, sed etiam Deo offerre. Nam cap. 5. v. 1. sic habet: *Et vidi in dextera sedentis supra thronum, librum scriptum intus & foris, signatum sigillis septem. Et vidi Angelum fortem, prædicantem voce magna: Quis est dignus aperire librum & soluere signacula eius? Et nemo poterat neque in cælo, neque in terra, neque subtus terram aperire librum, neque respicere illum. Et ego flebam multum, quoniam nemo dignus inuentus est aperire librum, nec videre eum. Et unus de senioribus dixit mihi: Ne fleueris: ecce vicit Leo de tribu Iuda, radix David, aperire librum, & soluere septem signacula eius. Et vidi, & ecce in medio throni, &*  
*quatuor*



*quatuor animalium, & in medio seniorū, unum stantem tanquam occisum, &c. Et venit, & accepit de dextera sedētis in throno librum. Et cum aperuisset librum, quatuor animalia, & vigintiquatuor seniores ceciderunt coram Agno, habentes singuli citharas & phialas aureas plenas odoramentorum, quæ sunt orationes Sanctorum.*

9. Hic describit Ioannes visionem suam, quam habuit in raptu, quæ erat huiusmodi. Deus Pater sedebat in throno cœlesti, & tenebat in manu dextra librum septem sigillis signatū, quem nemo poterat aperire seu interpretari, nisi Christus, qui est Agnus pro nobis occisus. Cū ergo is librum aperuisset, adorauerūt illum quatuor animalia, & vigintiquatuor seniores, qui habebant phialas aureas plenas odoramentorum, quæ sunt orationes Sanctorum.

10. Multa hic disputari solent. 1. de libro septem sigillis signato. 2. de quatuor animalibus. 3. de vigintiquatuor senioribus. 4. de phialis aureis, quæ erant plenæ odoramentorum. Sed non

D 5      omnia

omnia sunt huius loci. Solum duo posteriora spectant ad nostrum propositum. Igitur per viginti quatuor seniores intelliguntur Sancti Veteris ac Noui Testamenti, qui tunc temporis cum Christo erant in cœlesti gloria: non quidem omnes, sed præcipui. De quibus hæc tradit Ioannes. Primo, quod fuerint circumamicti vestimentis albis. (capite 4. versu 4.) Secundo, quod habuerint aureas coronas in capitibus. (ibidem) Tertio, quod fuerint redempti Sanguine Christi ex omni tribu, & lingua, & populo, & natione. (capite 5. versu 9.) Quarto, quod præter illos fuerint multi alij Sancti in cœlo, (capite septimo versu decimotertio.)

II. Hi igitur seniores, id est, præcipui Sancti, qui tunc regnabant cum Christo, habebant in manibus *phialas aureas plenas odoramentorum, quæ sunt orationes Sanctorum*, id est, offerebant Deo orationes eorum, qui in hac vita mortali degebant: non secus, quam Angeli, qui idem dicuntur præstare. Tobia duodecimo versu 12.

& Apo-



& Apocalyp. 8. vers. 3. vt supra ostensum est.

12. Vbi tria notanda sunt. Primum, Ioannem alludere ad ritum & consuetudinem templi Salomonis, in quo coram altari ponebantur phialæ aureæ & argenteæ plenæ odoramentorum. Nam Salomon curauit fieri centū phialas ex auro purissimo. (2. Paralipom. 4. 8. & 22.) Et post captiuitatem Babylo- nicam, cum Cyrus restitueret Iudæis vasa aurea & argentea, quæ abstulerat Nabuchodonosor, numeratæ sunt aureæ phialæ triginta, & argenteæ mille (1. Esdræ 1. 9.) Huc spectat illud Zachariæ 14. 20. *Eterunt lebetes in domo Domini, quasi phiala coram altari*, id est, Tam multi erunt lebetes in templo ad coquendas carnes victimarum, quàm multæ phialæ ad odorem Deo offerendum.

13. Alterum, per odoramenta, quæ erant in phialis, Ioannem aptissimè interpretatum esse orationes iustorum in hac vita: Et quidem duplici de causa. Primo, quia orationes iustorum ascendunt sursum, non secus, quàm

quàm odoramenta. Secundo, quia sunt suauissimi odoris coram Deo. Vtrunque significat Propheta, cùm ait, Psalm. 140. 2. *Dirigatur oratio mea sicut incensum in conspectu tuo.*

14. Tertium, orationes iustorum fuisse à senioribus oblatas Deo in phialis aureis: idq; etiam duplici de causa. Primo, quia orationes iustorum procedunt ex charitate, quæ significatur per aurum. Sicut enim aurum inter metalla, sic charitas inter virtutes præstantissima est. Secundo, orationes iustorum sunt maximi pretij apud Deum, sicut aurum apud homines.

15. Atq; hæc habentur in priori parte illius quinti capitis in Apocalypsi. In posteriori, refert Ioannes, triplicem gratiarum actionem fuisse oblatam Christo, eo quod librum signatum septem sigillis aperuisset. Primam à vigintiquatuor senioribus. Alteram ab Angelis. Tertiam ab omni creatura, quæ est in cœlo, & in terra, & sub terra. Et postea, quatuor animalia dixisse, Amen. Vbi iterum notandum est, per quatuor animalia (vt multi interpretantur)



tantur)intelligiquatuorEuangelistas:  
vel certè aliquos alios cùm Christo in  
cœlo regnantes. Hi ergo, quicunque  
tandem fuerint, suo applausu appro-  
barunt orationem & gratiarum actio-  
nem, quæ fiebat ab iis, non solum, qui  
in cœlo, sed etiam qui in terra, & sub  
terra erant. Vnde idētidem sequitur,  
Sanctos in cœlo non ignorare, quæ a-  
pud nos fiunt.

## II. A R G V M E N T V M.

*Ab exemplo Sanctorum in hac vita de-  
gentium.*

16. **S**ECUNDUM argumentum est tale.  
Quidquid conceditur Sanctis in  
hac vita degentibus, hoc multo magis  
conceditur Sanctis in cœlo regnanti-  
bus, præsertim si illorum statui non re-  
pugnet, sed potius consentaneum sit:  
At Sanctis in hac vita degentibus con-  
ceditur, vt cognoscant occulta aliorū  
desideria, machinationes, & opera, et-  
iam absentium: Ergo multo magis id  
conceditur Sanctis in cœlo regnanti-  
bus, cùm illorum statui non repugnet,  
sed

sed consentaneum sit. Maior videtur per se nota. Minor probatur variis exemplis ex Scriptura desumptis.

17. Primo, quia Samuel cognouit omnia, quæ erant in corde Saulis. 1. Regum 9. 19. *Et respondit Samuel Sauli dicens: Omnia, quæ sunt in corde tuo, indicabo tibi. Et de asinis, quas nudius tertius perdidisti, ne sollicitus sis, quia inuenta sunt.*

18. Secundo, Elisæus sciuit omnia, quæ à famulo absente erant perpetrata. 4. Reg. 5. 25. *Et dixit Elisæus: Vnde venis Giezi? Qui respondit: Non iuit seruus tuus quoquam. At ille ait: Nonne cor meum in presenti erat, quando reuersus est homo de curru suo in occursum tui? Nunc igitur accepisti argentum, & accepisti vestes, vt emas oliueta, & vineas, & oues & boues, & seruos, & ancillas. Sed & lepra Naaman adhærebit tibi, & semini tuo, vsque in sempiternum.*

19. Tertio, idem Elisæus sciebat omnia secreta consilia Regis Syriæ, & reuelabat ea Regi Israel. 4. Regum 6. 8. *Rex autem Syriæ pugnabat contra Israel, consiliumq; iniit cum seruis suis, dicens:*

*In lo-*



In loco illo, & illo ponamus insidias. Misit itaque vir Dei ad Regem Israel, dicens: Caue, ne transeas in locum illum, quia ibi Syrii in insidiis sunt. Misit itaque Rex Israel ad locum, quem dixerat ei vir Dei, & praecipit ei, & obseruauit se ibi non semel, neque bis. Conturbatumque est cor Regis Syria pro hac re: & conuocatis seruis suis ait: Quare non indicatis mihi, quis proditor mei sit apud Regem Israel? Dixitque unus seruorum eius: Nequaquam Domine mi Rex, sed Elifas Propheta, qui est in Israel, indicat Regi Israel omnia verba, quaecunque locutus fueris in conclaui tuo.

20. Quarto, Daniel sciebat occultum somnium Nabuchodonosoris, & interpretationem illius. Dan 2.26. Et dixit Rex Danieli: Putasne verè potes mihi indicare somnium, quod vidi, & interpretationem eius? Et respondens Daniel coram Rege ait: Mystrium, quod Rex interrogat sapientes, Magi, arioli, & aruspices nequeunt indicare Regi. Sed est Deus in cælo reuelans mysteria. Qui etiam reuelauit Danieli, vt ibidem sequitur,

21. Quin;

21. Quinto, Petrus Apostolus sciebat occultam fraudem Ananiæ & Sapphiræ circa pretium agri. Act. 5. 1. *Vir quidam nomine Ananias cum Sapphira uxore sua vendidit agrum; & fraudavit de pretio agri, conscia uxore sua: & adferens partem quandam, ad pedes Apostolorum posuit. Dixit autem Petrus: Anania, cur tentavit Sathanas cor tuum, mentiri te Spiritui Sancto, & fraudare de pretio agri? Omitto similia exempla, quæ passim occurrunt.*

22. Ex quibus omnibus sic concludo: Si Samuel, Elifæus, Daniel, Petrus, & alii potuerunt in hac vita mortali cognoscere occulta consilia, conatus, & actiones aliorum, etiam absentium; certè poterunt & nunc cognoscere, cùm in cœlo sunt. Nec enim verisimile est, in exilio fuisse melioris conditionis, quàm nunc sint in patria: Et remotos à conspectu Dei, cognovisse multa ex Dei revelatione, quæ nunc in aula & præsentia Dei cogantur ignorare. Absit. Reclamat bonitas Dei: reclamat recta ratio: reclamat exemplum vigintiquatuor seniorũ, de quibus supra dictum est.

23, Di-



23. Dices, Ex toto hoc discursu nihil aliud sequitur, quàm quod huiusmodi cognitio, sicut in hac vita paucis concessa est, sic etiam in cœlo paucis concedi possit. Ex quo non licet inferre, quod omnibus in cœlo existentibus sit communis. RESPONDEO. Hoc optimè licet inferre, si diuinum consilium & prouidentiam in hac re spectemus. Nam quod Deus in hac vita solet paucis & raro concedere, per modum priuilegij transeuntis; hoc in altera cōcedit omnibus, per modum doni permanentis.

24. Exemplum habemus in Christo, cui speciatim in hac vita, pro breui tempore, quædam concessa sunt, quoad vsum & exercitium. Primo, vt facies eius splenderet sicut Sol. (Matt. 17. 2.) Secundo, vt ambularet super aquas. (Matt. 14. 25.) Tertio, vt clausas ianuas penetraret. (Ioan. 20. 19.) Quarto, vt subito euanesceret ex oculis hominum, & quasi inuisibilis esset. (Lucæ 24. 31.)

25. Hæc & similia concedentur omnibus Sanctis post diem iudicij. Tūc

E

enim

enim habebunt corpora gloriosa, cum his quatuor dotibus, claritate, subtilitate, agilitate, & impassibilitate, vt docent Theologi in 4. dist. 44. & 49. De quibus exstant expressa Scripturæ testimonia. De claritate, Matthæi 13. 43. *Tunc iusti fulgebunt sicut Sol.* De impassibilitate, 1. Corinth. 15. 53. *Oportet corruptibile hoc induere incorruptionem, & mortale hoc immortalitatem.* De Agilitate Sap. 3. 7. *Fulgebunt iusti, & tanquã scintillæ in arundinetis discurrent.* De omnibus simul, 1. Cor. 15. 44. *Seminatur in corruptione, surget in incorruptione: seminatur in ignobilitate, surget in gloria: seminatur in infirmitate, surget in virtute: seminatur corpus animale, surget corpus spirituale.*

26. Igitur sicut hæ dotes corporis, quæ in hac vita paucissimis & rarissime conceduntur, in cœlo omnibus cōcedentur, nō ad breue tempus, sed per petuo: sic etiam, seruata proportione, de dotibus animi dicendū est. In hac vita paucis & raro conceditur, cognoscere occultas aliorum cogitationes & desideria; quod in cœlo commune est  
omni-



omnibus. In hac vita cōcessum est Mo-  
 si & Paulo (vt multi putant) videre ef-  
 sentiam Dei: in cœlo, omnes vident.  
 In hac vita Stephanus Protomartyr  
 vidit Filium hominis stantem à dex-  
 tris Dei (Act. 7. 55) in cœlo omnes fru-  
 untur hac visione. Et sic de similibus.  
 Rationem huius rei clarius explicabo  
 inferius, in IV. Argumento

### III. ARGVMENTVM.

#### *Ab exemplo Angelorum.*

27. **T**ertium est hoc: Quidquid cō-  
 uenit Angelis ratione beatitu-  
 dinis, hoc etiam conuenit aliis Sanctis  
 in cœlo existentibus, qui & ipsi beati  
 sunt: At Angeli, ratione beatitudinis,  
 cognoscunt ea, quæ apud nos gerun-  
 tur: Ergo etiam alij Sancti in cœlo exi-  
 stentes ea cognoscunt.

28. Maior patet, quia Angeli, tamen  
 si in natura differant ab aliis Sanctis,  
 tamen in beatitudine non differunt,  
 sed æquales sunt, iuxta illud Christi,  
 Lucæ 20. 35. *Illi verò, qui digni habebun-  
 tur seculo illo, & resurrectione ex mortuis,*

E 2 neque

*neque nubent, neque ducent uxores: neque enim ultra mori poterunt: æquales enim Angelis sunt, & filij sunt Dei.* Ergo quid quid competit Angelis ratione beatitudinis, quatenus sunt filij Dei; hoc etiam aliis competere necesse est, qui in eodem statu sunt.

29. Minor probatur, quia quod Angeli infallibiliter cognoscant ea, quæ apud nos fiunt, præsertim internas preces, cōtritionem & pœnitentiam, hoc non habent ex solis naturæ viribus, (alioqui etiam Dæmones, qui in natura illis æquales sunt, infallibiliter ea cognoscerent, quod falsum est) sed habēt ex statu beatitudinis. At in hoc statu, vt dixi, non differunt ab aliis Sanctis. Ergo & alij Sancti, ratione sui status, possunt idem præstare.

30. Simile est in Consistorio Imperatoris, in quo multi sunt Consiliarij. Tametsi enim alij ab aliis differant, quoad natiuam originem & nobilitatem, cū alij nati sint Comites, alij Barones, alij plebæi; omnes tamen æquales sunt, quoad statum, in quo versantur, quia omnes sunt in arcano Consilio Im-



lio Imperatoris, & æqualem in dicenda sententia libertatem & potestatem habent. Ex quo rectè sequitur, quidquid secreti cognoscit vnus, ratione sui status, hoc etiam alios cognoscere, qui in eodem statu sunt.

31. DICES, Quod Angeli cognoscant nostras orationes & necessitates, hoc non videntur habere ratione beatitudinis, sed ratione officij. Cùm enim ex officio sint custodes hominũ, necesse est eos cognoscere, quæ circa homines fiunt. RESPONDEO. Contrarium verũ est. Quod ex eo patet, quia si haberent notitiam illam ratione solius officij, iam soli Angeli custodes, qui nobiscum versantur, haberent illã notitiam; non item reliqui, qui in cœlo sunt. Hoc autem falsum est. Nam de illis, qui in cœlo sunt, dictum est, *Lucæ 15. 10. Gaudium erit coram Angelis Dei super vno peccatore pœnitentiam agente.* Quod intelligendum est de Angelis in cœlo existentibus, vt patet ex verbis præcedentibus, quæ sic habent: *Gaudium erit in cœlo super vno peccatore pœnitentiam agente.* Hinc infero, si o-

mnes Angeli, siue in cœlo, siue in terra sint, cognoscunt internas nostras cogitationes & affectiones, quod non habeant eam notitiam ex eo præcisè, quia custodes nostri sunt, sed ex eo, quia beati sunt. Quod deinceps magis explicabo.

#### IV. ARGUMENTVM.

##### *Ex natura & lege amicitiae.*

32. **Q**uartum argumentum sic propono. Lex amicitiae requirit, ut amicorum omnia sint communia, nō solum quoad bona externa, quibus se mutuo iuuant in necessitate, sed etiam quoad interna consilia & secreta, quæ sibi inuicem, quantum exigit cuiusque status & conditio, solent communicare Hanc legem non modo cōmendant Ethnici Philosophi, sed etiā Christus in Euangelio, cū ait, Ioann. 15. 15. *Iam non dico vos seruos, quia seruus nescit, quid faciat Dominus eius. Vos autem dixi amicos; quia omnia, quaecunque audiui à Patre meo, nota feci vobis.* Cū ergo Sancti in cœlo sint amici Dei, & intimè



timè cum illo coniuncti; lex amicitiae requirit, vt Deus, qui omnia nouit, non patiatur amicos suos ignorare ea, quæ apud nos fiunt, præsertim orationes nostras, quæ ad ipsos diriguntur.

33. DICES, Si hoc argumentum cõuincit, planè sequitur, non solum Sanctos in cœlo cognoscere nostras orationes, sed etiam Sanctos in Limbo cognouisse. Nam & illi erant amici Dei, ac proinde Deus ex lege amicitiae debebat illis reuelare orationes, quæ ad ipsos fundebantur.

34. RESPONDEO. Amicitia duplex est. Vna inter æquales, vt inter Principes, vel ciues, vel milites, vel agricolas. Altera inter inæquales, vt inter Deum & homines, inter Principem & inferiores Principe. Prior vocatur amicitia æqualitatis: posterior excellentiæ seu proportionis. De hac nos agimus. Igitur lex amicitiae, quæ inter inæquales est, hoc requirit, vt bona amicorũ sint cõmunia, nō simpliciter & absolutè, sed seruata proportionē cuiusque status ac cõditionis. Hoc

patet primo in amicitia humana. Nam Princeps, qui habet varios amicos, quorum alij nobiles, alij plebæi sunt; itemq; alij domestici, alij extranei; nō tenetur ex lege amicitia, æqualiter omnibus sua bona communicare, sed unicuique iuxta exigentiam sui status ac ordinis.

35. Idem fit in amicitia diuina. Nam & Deus habet varia amicorum genera: Alios in hac vita mortali: alios in Limbo vel Purgatorio: alios in cœlesti beatitudine. Horum omnium status diuersus est. Nam primi sunt in statu obscuræ fidei (1. Corinth. 13. 12.) cū periculo excidendi ab amicitia, si peccent. (Rom. 11. 20.) Secundi sunt etiam in statu obscuræ fidei, sed sine periculo peccandi, vt quæst. 3. conclus. 4. explicatum est. Tertij sunt in statu claræ visionis, quia Deum præsentem contemplantur, & omnis miseræ expertes sunt (Apoc. 22. 5.)

36. Propter hanc statuum diuersitatem, Deus non æqualiter communicat illis sua bona, sed seruat proportionem. Nam illis, qui in cœlo sunt, immediate

diatè



diatè donat seipsum per claram & intuitivam visionem diuinæ essentiaë, in qua omne bonum perfectissimè continetur. Cæteris verò non communicat seipsum clarè & immediatè, sed ob scurè & mediatè: idq; partim per creaturas, in quibus aliquo modo relucet ipsius bonitas & sapientia (Rom. 1. 20.) partim per fidem, quam ex auditu percipiunt. (Rom. 10. 17.)

37. Hinc facile declarari iam potest, quod quærebatur, quare scilicet Sancti in cœlo cognoscant nostras orationes, quas Sancti in Limbo non cognoscebant, cum & illi essent amici Dei? Causa hæc est. Nam Sancti in cœlo clarè & intuitivè vident diuinam essentiam, in qua, tanquam in viuo speculo, creaturæ omnes repræsentantur. Sicut ergo is, qui speculū corporeum intuetur, clarè & distinctè videt, quæ in illo apparent; sic Sancti, qui essentiam diuinam intuentur, clarè & distinctè vident creaturas in illo apparentes. Hoc interest, quod speculum corporeum, quale apud nos est, naturaliter ac necessario ostendat ea omnia, quæ

E 5 in i-

in ipſo repræſentantur, quia nō habet libertatem ſeu poteſtatem, vt quædam exiis occultet, & quædam manifeſtet. At Deus, in quo omnes creaturæ, tanquam in viuo exemplari continentur, poteſt quædā nobis manifeſtare, quædam occultare, prout ipſi viſum eſt. Hinc à Theologis vocatur ſpeculum voluntarium. Omnes tamen Sancti in eo ſpeculo clarè intuētur, quæ aliquo modo ad ipſos pertinent; ac proinde etiam orationes, quæ ad ipſos funduntur.

38. Alia fuit ratio Sanctorum in Limbo exiſtentium. Nam illi non erant in ſtatu claræ viſionis, ſed in ſtatu obſcuræ fidei; ac proinde non poterant quicquam cognoscere in eſſentia diuina, tanquam in ſpeculo repræſentante; ſed quidquid cognoscebant, aliunde debebant accipere. Ac potiffimum, vt ſupra dixi, ex triplici capite. Primo, ex ea notitia, quam ex hac vita ſecū aſportauerāt. Secūdo, ex relatione aliorum hominum, qui ex hac vita ad illos veniebant. Tertio, ex colloquio Angelorū, qui aliquando cōſolandi cauſa illos adi-



adibant. At ex nullo horum capitum, poterāt semper & infallibiliter cognoscere orationes viuentiū. Non ex primo, quia Abraham ex ea notitia, quam secū ex hac vita in Limbū asportauerat, nō potuit scire, quid reliqui in hac vita degentes, post mortem ipsius, essent petaturi. Nec ex secundo, quia qui ex hac vita veniebant ad Limbum, nō poterant Abrahamo referre, quid quisque oraret vel oraturus esset in hac vita. Nec ex tertio, quia Angeli nō semper erant in Limbo: Ergo nō semper poterant tibi manifestare, qd fieret in terra.

39. DICES, Saltem aliquando poterant. RESPONDEO. Hoc concedimus: Nec est contra nos. Dices 2. Deus poterat id præstare. Respondeo. Poterat quidem, sed non cōstat factum esse. Si tamen aduersarij factum esse contendunt, nō repugnabimus; sed sic potius ratiocinabimur: Si Sancti in Limbo cognouerunt orationes viuentium ex peculiari Dei reuelatione, cur Sancti in cœlo non cognoscant? Quæ hætenus dicta sunt, deinceps autoritate Patrum confirmabimus.

V. A R.

## V. ARGUMENTVM.

*Ex autoritate Patrum.*

40. **A**ugustinus lib. 22. de Ciuit. Dei cap. 29. de hac re ita scribit: *Si Propheta Elifaeus puerum suum Giezi absens corpore vidit accipiētem munera, quae dedit illi Naaman Syrus; quanto magis Sancti videbunt omnia, etiam unde sunt corpore absentes? Tunc enim erit perfectum illud, de quo loquens Apostolus: Ex parte, inquit, scimus, & ex parte prophetamus: cum autem venerit, quod perfectum est, euacuabitur quod ex parte est.*

41. Ad hoc confirmandum profert illud I. Corinth. 13. 11. *Cum essem paruulus, loquebar ut paruulus, sapiebam ut paruulus, cogitabam ut paruulus. Quando autem factus sum vir, euacuauit, quae erant paruuli. Videmus nunc per speculum in enigmate: tunc autem facie ad faciem. Nunc cognosco ex parte: tunc autem cognoscam, sicut & cognitus sum. Et mox subiungit: Si ergo in hac vita, ubi hominum mirabilium prophetia ita comparanda est illi vita, quasi paruuli ad iuuenem, vidit tamen Elifaeus accipientem munera seruum suū, ubi*



ubi ipse non erat: itane, cum venerit, quod perfectum est, illi Sancti ad ea quæ videnda sunt, oculis corporeis, quibus Elifæus absens ad seruum suum videndum non indiguit, indigebunt? Nam secundum Interpretes 70. ista sunt ad Giezi verba Prophetæ: Nonne cor meum tecum ibat, & noui quod conuersus est vir de curru suo in obuiam tibi, & accepisti pecuniam? &c. Sicut autem ex Hebræo interpretatus est presbyter Hieronymus: Nonne cor meum, inquit, in presenti erat, quando reuersus est homo de curru suo in occursum tui? Corde ergo suo se dixit hoc vidisse Prophetæ, adiuto quidem mirabiliter, nullo dubitate, diuinitus. Sed quanto amplius tunc omnes munere isto abundabunt, cum Deus erit omnia in omnibus?

42. Prosper Aquitanicus libro 1. de vita contemplatiua, cap 4. Hæc est contemplatiua vita beata, ad quam qui bonorum operum consummatione peruenerint, beatis Angelis similes erunt, & simul cum Deo suo sine fine regnabunt. Quod hic crediderunt, ibi videbunt, sui Creatoris substantiam mundis cordibus contemplantes. &c. Ibi eis exuberabit tanta letitia, tanta cæle-

*cælestium gratia gaudiorum, ut & remuneratori suo protantis muneribus gratias agant, & nullum fastidium ex ipsa affluentium bonorum perceptione sustineant. Ibi ita patebunt singulorum singulis mentes, sicut corporalibus oculis subiacent facies corporales. Et infra: Nec latebit tam perfectè beatos aliquid secretorū, qui quod est longè præstantius, ipsum visuri sunt Deum.*

43. Gregorius Magnus lib. 4. Dial. cap. 33. *Quia in illa æterna hæreditate omnes communi claritate Deum conspiciunt, quid est, quod ibi nesciant, ubi scientem omnia sciunt?*

44. Beda ad cap. 16. Lucæ: *Qui creatoris sui claritatem vident, nihil in creatura agitur, quod videre non possint. Cui simile est illud Alcuini de diuinis officiis, cap. 39. Nec dubitandum est, fidelium petitiones à spiritibus iustorum sciri, quia qui intus claritatem Dei vident, non est credendum, quia sit aliquid foris, quod ignorent. Plura testimonia citabo quæst. 12.*



**Soluun-**



*Soluuntur obiectiones aduersario-  
rum.*

45. **S**Vpereſt, vt excutiantur testi-  
monia Scripturæ contra nos allata.  
Primum eſt 3. Reg. 8. 39. *Tu noſti ſolus  
cor omnium filiorum hominum.* Reſpon-  
deo. Multa ſoli Deo tribuuntur, quæ  
etiam aliis cõueniunt, ſed diuerſo ſen-  
ſu. v. g. Solus Deus dicitur bonus (Mat.  
19. 17.) Solus iuſtus. (2. Machab. 1. 25.)  
Solus pius. (Apocal. 15. 4.) Solus potēs  
& immortalis (1. Timot. 6. 15. Solus fa-  
ciens mirabilia. (Pſal. 71. 18.) Et tamen  
hæc omnia conueniunt etiam homi-  
nibus: non quidem per eſſentiam, vt  
Deo, ſed per participationem. Nam  
Deus iſta omnia habet à ſe: homines à  
Deo. Idē eſt in noſtro caſu. Solus Deus  
dicitur noſſe corda hominum, quia ſo-  
lus ex ſe nouit. Nihilominus & alij poſ-  
ſunt noſſe, non quidem ex ſe & virtu-  
te, ſed accepta à Deo cognitione aut  
reuelatione.

46. Alterū eſt Eccleſiaſte 9. 5. *Viuētes  
ſciunt ſe morituros: mortui vero nihil no-  
runt amplius.* In quem locum ſic ſcribit

Luthe.

Lutherus: *Salomon sentire videtur, mortuos sic dormire, ut prorsus nihil sciant. Et plane credo non esse in Scriptura locum fortio- rem pro mortuis dormientibus, & nihil intelligentibus rerum nostrarum, contra Sanctorum inuocationem. RESPONDEO. Quid sentiat Salomon, ex pleno contextu petendum est, qui sic habet: Nemo est, qui semper uiuat, & qui huius rei habeat fiduciam. Melior est canis uiuus leonem mortuo. Viuentes enim sciunt se esse morituros: mortui uero nihil nouerunt amplius, nec habent ultra mercedem. Q. D. Si spectemus negotium æternæ salutis, de eo in hac vita laborandum est, nō post mortem. Nam hæc vita utilior est ad merendum, quàm tempus post mortem. Quamdiu enim hic uiuimus, cogitamus nos morituros, ac proinde possumus agere pœnitentiam, quod mortui non possunt. Nam mortui nullum amplius norunt remedium, quod possit illis prodesse ad vitæ emendationē, aut quo possint mereri aliquid apud Deum. Vide quæ supra dicta sunt quæst. 3. concl. 3.*

47. Tertium est Iob 14, 21, *Siue nobiles fue-*



*les fuerint filij eius, siue ignobiles, non intelliget. RESPONDEO. Gregorius lib. 12. Moralium cap. 14. interpretatur hunc locum de hominibus carnalibus, qui in hac vita valde solliciti sunt de suis filiis: & post hanc vitam, quando sunt in inferno, nihil prodest illis filiorum status aut conditio, quia tunc nesciunt, an filij bene vel male se gerant in hac vita. Verba Gregorij sunt hæc: Sicut hi, qui adhuc viuentes sunt, mortuorum anima quo loco habeantur, ignorant: ita mortui vitam in carne viuentium post eos qualiter disponatur, nesciunt. Quod tamen de animabus sanctis sentiendum non est, quia quæ intus omnipotentis Dei claritatem vident, nullo modo credendum est, quia foris sit aliquid, quod ignorent. Sed carnales qui quæ, quia amorem præcipuum filiis impendunt, hoc eos beatus Iob nescire postmodum asserit, quod hic vehementer amauerunt: ut, siue nobiles, siue ignobiles sint filij, nesciant, quorum eos semper cura fatigabat.*

48. Quartum est Isaie 63. 16. *Abraham nesciuit nos, & Israël ignorauit nos. RESPONDEO. Ex hoc loco nihil aliud*

F

liud

liud possunt colligere aduersarij (quātum attinet ad praesentem quaestionē) quam quod Abraham & Iacob, tunc temporis ignorauerint, quid in hac vita gereretur. Quod, etsi concedatur, non est contra nos. Nam Abraham & Iacob nō erant tunc in cœlesti gloria, sed in Limbo. Nos autem hic disputamus de Sanctis in cœlesti gloria existentibus.

49. An autem ille sit sensus istius loci, merito quaeri potest. Videtur alius esse, vt patet ex antecedentibus & consequentibus, quæ sic habēt: *Attende de cælo, & vide de habitaculo sancto tuo, &c. Tu enim Pater noster, & Abraham nesciuit nos, & Israël ignorauit nos: Tu Domine Pater noster, redemptor noster, à seculo nomen tuum.* Q. D. Merito confugimus ad te, ô Pater cœlestis, quia Abraham & Iacob non possunt nos liberare, sed tu solus. Vel, vt Hieronymus interpretatur, Abraham & Iacob non agnoscunt nos amplius pro suis filiis, propter peccata nostra.

50. Quod attinet ad Caluinum, ego vicissim quaero, an Paulus habuerit  
tam



tam longas aures, vt ad illam Christi vocem porrigerentur: *Saule Saule, quid me persequeris?* præsertim cùm Caluinus dicat, Christum in cœlo existentem hanc vocem emisisse. Item, an Stephanus habuerit oculos tam perspicaces, vt potuerit dicere: *Video cœlos apertos, & Filium hominis stantem à dextris Dei.* Addo, Sanctos in cœlo non indigere oculis & auribus corporalibus ad cognoscendum ea, quæ apud nos geruntur, sicut nec Angeli indigent. Sufficit notitia intellectiua, quam habent ex intuitu diuinæ essentiæ, vt dictum est.

## S E X T A Q V Æ S T I O.

*An Sancti intercedant pro nobis?*

1.



Ic dissentiunt aduersarij. Nam Philippus Melāch. in Apologia Confes.

F 2

Confes.

Confessionis Augustanæ, art. 21. docet hæc tria. Primo, constare ex Scripturis, quod Angeli orent pro nobis. Secundo, Non constare ex Scripturis, quod alij Sancti orent pro nobis. Tercio; Si tamen orant pro nobis, non orare nisi generatim pro Ecclesia. Aliiter sentiunt Rex Angliæ in Monitoria Præfatione, & Guilielmus Toskerus in Duello. Aiunt, Sanctos nec generatim, nec speciatim pro nobis orare. Ratio illorum est, quia gaudium cœleste, quo fruuntur in cœlo, non permittit illos cogitare de nobis, aut ad res nostras attendere. Est enim tantum gaudium, vt plane auocet mentem à rebus inferioribus, & fixam teneat in contemplatione solius diuinitatis, cuius aspectu perfruuntur.

2. Catholici sic statuunt. Primo, Angelos non solum generatim, sed etiam in causis ac necessitatibus particularibus, nostri curam gerere, & pro nobis orare. Hoc patet primo ex illo Zachariæ 1. 12. *Respondit Angelus Domini, & dixit: Domine exercituum vsquequo tu nō misereberis Ierusalem & urbium Iuda,*  
*qui-*



*quibus iratus es? iste iam septuagesimus annus est.* Vbi orat Angelus pro restauratione Ierusalem & aliarum vrbiū, quæ tempore captiuitatis Babylonice fuerant à Nabuchodonosore deuastatæ.

3. Deinde ex iis Scripturæ locis, vbi Angeli dicuntur nostras orationes Deo offerre, vt Tobia 12.12. & Apocal. 8.3. Nam eo ipso, quod nostras orationes Deo offerunt, censentur etiam suas adiungere, vt nostræ facilius à Deo exaudiantur.

4. Præterea ex Daniele cap. 10. vbi introducuntur quatuor Angeli, quorum vnus erat princeps Persarum; alter Græcorum; tertius captiuorum in Perside; quartus populi Dei. Singuli gerebant curam eorum, quos habebant sibi commissos. Denique ex aliis locis, vbi agitur de custodia Angelorum.

5. Secundo statuunt, Sanctos qui olim in Limbo erant, vt minimum generatim orasse pro viuentibus. Hoc supra ostensum est exemplo Oniæ & Ieremiæ, qui orarunt pro populo & tem-

plō Iudæorum, (libr. 2. Machab. c. 15. v. 12. & seqq.)

6. Tertio, Sanctos qui nunc in cœlo sunt, orare pro nobis in particulari, sicut & Angeli faciunt. Nam sicut Angeli offerunt orationes nostras Deo, sic & ipsos facere, supra demonstratū est exemplo viginti quatuor seniorum. (Apoc. 5, 8.)

7. Accedit ratio, quæ sumitur ex duobus principiis. Vnum est, quod Sancti in cœlo sigillatim cognoscant nostras necessitates, vt dictum est. Alterum, quod vinculo charitatis & benevolentiae nobis coniuncti sint. Sumus enim membra vnus Ecclesiæ Christi: Illi quidem membra Ecclesiæ triumphantis in cœlo: nos autem, militantis in terra. Sicut ergo illi, qui in hac vita nobiscum agunt, & nobis charitate coniuncti sunt, libenter nos iuuant in nostris necessitatibus; sic etiam de Sāctis in cœlo, & quidem potiori iure, sentiendum est. Non enim minus illi nos amant, quàm qui in terris sunt.

8. Et sanè, si diues Epulo in inferno fuit sollicitus pro fratribus suis, quanto ma-



to magis Sancti in cœlo pro nobis? Et, si Onias & Ieremias, cùm nondum essent beati, orabant pro populo Iudæorum, quanto magis nunc, cùm beati sunt, pro omnibus orare putandum est?

9. Idem docent antiqui Patres. Origenes hom. 3. in Cantica: *Omnes Sancti, qui de hac vita decesserunt, habentes adhuc charitatem erga eos, qui in hoc mûdo sunt, si dicantur curam gerere salutis eorum, & iuuare eos precibus suis atque interuentu suo apud D E V M, non erit inconueniens. Scriptum est enim in Machabaorum libris ita: Hic est Ieremias Propheta Dei, qui semper orat pro populo.*

10. Athanasius de interpretatione Psalmorum ad Marcellinum: *Verùm cauendum, ne quis Psalmos secularibus ad loquendum verbis ornet, nèue conetur dictiones immutare, aut omnino aliud pro alio substituere, sed simpliciter, vt scripta sunt, recitet & psallat, vt Sancti, qui ista verba suppeditarunt, sua esse agnoscetes, comprecantur nobiscum, vt potius Spiritus Sanctus, qui ita locutus*

*est in Sanctis, conspiciens ibi sua verba resonare, nostram operam coadiuuet.*

11. Gregorius Nyssenus oratione funebri in Meletium Episcopum: *In adytis ac penetralibus sacerdos est, in interioribus veli, quo præcursor pro nobis ingressus est Christus. Reliquit carnis tegumentum: non amplius signo & umbræ cælestiū seruit, sed in ipsam rerum imaginem intuetur: non amplius per speculum, atque per transfennam & ænigma, sed ipse facie cum facie collata intercedit apud Deum. Intercedit autem pro nobis, & pro populi erratis.*

12. Cyprianus libro 1. Epist. 1. ad Cornelium, in fine: *Memores nostri inuicem simus, concordēs atque vnanimēs, vtrobi- que pro nobis semper oremus, pressuras atque angustias mutua charitate releuemus. Et si quis hinc nostrum prior diuina dignationis celeritate præcesserit, perseueret apud Deum nostra dilectio, pro fratribus & sororibus nostris apud misericordiam Patris non cesset oratio.*

13. Hieronymus contra Vigilantiū cap. 3. *Dicis in libello tuo, quod dum viuimus, mutuo pro nobis orare possumus; post-*  
quam



quam autem mortui fuerimus, nullius sit pro alio exaudienda oratio; praesertim cum Martyres, ultionem sui sanguinis obsecrantes, impetrare non quiverint. Si Apostoli & Martyres, adhuc in corpore constituti, possunt orare pro ceteris, quando pro se adhuc debent esse solliciti; quanto magis post coronas, victorias & triumphos? Unus homo Moses sexcentis millibus armatorum impetrat à Deo veniam: & Stephanus, imitator Domini sui, & primus Martyr in Christo, pro persecutoribus veniam deprecatur: & postquam cum Christo esse coeperint, minus valebunt? Paulus Apostolus ducentas septuaginta sex sibi dicit in naui animas condonatas: & postquam resolutus esse coeperit cum Christo, tunc ora clausurus est, & pro iis, qui in toto orbe ad suum Euangelium crediderunt, mutire non poterit?

14. Augustinus in expositione Psalmi 85. sub finem: Dominus noster Iesus Christus adhuc interpellat pro nobis. Omnes Martyres, qui cum illo sunt, interpellant pro nobis. Non transeunt interpellationes ipsorum, nisi cum transierit gemitus noster.

15. Nec desunt aduersarij, qui idem

F 5

sen-

sentiant. Lutherus in responsione ad condemnationem doctrinalem Louanienſium: *Non negaui vnquam, nos meritis & precibus Sanctorum quantumlibet imperfectis iuuari, &c.* (Tomo 1. Ienenſi, Anno 1564. pag. 472.)

16. Ioannes Oecolampadius ad Sermonem Chryſoſtomi de Iuuentio & Maximo Martyribus: *Sancti in cælis ſua adhuc charitate flagrantes, non deſinunt pro nobis intercedere.*

17. Philippus Melanchthon in Locis communibus Manlij fol. 151. *Dicam tibi manifeſtum teſtimonium ex nouo Teſtamento, probans quod mortui ſint ſolliciti de Eccleſia & nobis. Ita enim ait Matthæus: Helias & Moſes loquebantur cum Chriſto de rebus futuris. Non dubium eſt, quin Sancti ipſi, qui ſunt in cælo, noſtri cura in terra viuentium afficiantur.*

18. Ioannes Brentius ad cap. 16. Lucæ: *Ergone mortui intercedunt pro uiuis? Certè negari non poteſt, quin hi, qui viuunt cum Chriſto, bene cupiant Eccleſiæ & membris eius. Si enim Angeli orant pro nobis, quemadmodum Zacharias teſtatur, & ſi Chriſtus ipſe apud Patrem pro nobis intercedit,*



*cedit, quomodo non & Sancti afficerentur  
erga nos in Christo & per Christum chari-  
tate, & optarent nobis à Deo felicia quæ-  
que?*

19. Ratio autem, quæ initio in con-  
trarium allata est, in ipsos authores re-  
torqueri potest. Nam si visio diuinita-  
tis, & gaudiū quod ex ea sequitur, ob-  
starent, quo minus Sancti possint no-  
stri curam gerere, & ad res nostras at-  
tendere; plane sequeretur, nec Chri-  
stum secundū humanitatem, nec An-  
gelos custodes, cū & ipsi videant di-  
uinitatem, & cœlesti gaudio perfruan-  
tur, posse curam nostri gerere, nec ad  
res nostras attendere. Quod tamen  
nemo dixerit.

### SEPTIMA QVÆSTIO.

*An liceat inuocare Sanctos in  
cælo existentes?*

1. **T**Ametsi aliqui ex aduersariis cō-  
cedant, Sanctos pro nobis orare  
seu intercedere, vt iā ostensum est; ne-  
gāt tamē rectē à nobis inuocari posse.  
Quare? quia putant hāc inuocationē  
vel

vel cedere in iniuriam Dei, vel in iniuriam Christi, vel esse signum diffidentiae, vel aliquid simile. Quæ omnia refutabimus in sequentibus quæstionibus. Nunc generatim ex dictis sic concludo: Si Sancti intelligunt nostras orationes, & pro sua charitate parati sunt nos iuuare, & apud Deum pro nobis intercedere; cur nobis non liceat ab ipsis petere, ut hoc faciant? Petierunt hoc maiores nostri ante nos, ut q. 12. demonstrabo.

2. Et habemus exemplum in Scripturis. Nam Apoc. 1.4. sic legimus: *Ioannes septē Ecclesiis, quæ sunt in Asia. Gratia vobis & pax ab eo, qui est, & qui erat, & qui venturus est: & à septem spiritibus, qui in conspectu throni eius sunt: & à Iesu Christo, qui est testis fidelis, primogenitus mortuorum.* Quo loco Ioannes precatur fidelibus in Asia, pacem & gratiam à Deo Patre, à septē Angelis, & à Christo Iesu Redemptore nostro. Vnde sic argumentor: Sicut illi inuocant Deū & Christum, qui à Deo & Christo petunt aliquod bonū spirituale, siue pro se, siue pro aliis; sic etiam inuocāt Angelos,



gelos, qui ab Angelis petunt aliquod bonum spirituale: At Ioannes pro fidelibus in Asia petit aliquod eiusmodi bonum, nempe pacem & gratiam, non solum à Deo & Christo, sed etiam ab Angelis: Ergo inuocat Deum, Christum, & Angelos.

3. Diuerso tamen modo ab illis petit. A Deo, tanquam authore omnium bonorum. Iacobi 1. 17. *Omne datum optimum, & omne donum perfectum desursum est, descendens à Patre luminum, apud quē non est transmutatio.* A Christo, tanquā ab eo, qui per suam mortem meruit nobis omne bonum spirituale. Ephes. 1. 3. *Benedictus Deus & Pater Domini nostri Iesu Christi, qui benedixit nos in omni benedictione spirituali in Christo, id est, per merita Christi.* Ab Angelis, tanquam ab iis, qui in eiusmodi negotio curam nostri habent. Hebr. 1. 14. *Omnes sunt administratorij spiritus, in ministerium missi propterea eos, qui hereditatem capient salutis.*

4. D I C E S, Per septem spiritus, de quibus loquitur Ioannes, non intelliguntur Angeli, sed Spiritus Sanctus septi-

septiformis, qui confert nobis septem dona: Vel certè, dona ipsa, quæ à Spiritu Sancto conferuntur. Respondeo. Ita aliqui putant. Sed alij rectius intelligunt septem Angelos, quorum frequens in Scriptura mentio est. Ratio sumitur ex illis verbis: *Qui in conspectu throni Dei sunt* Nam ista verba, si vsum Scripturæ spectes, cōveniunt illis tantum, qui Deo assistunt & ministrant, quales sunt Angeli, vt patet Tobia 12. 15. *Ego sum Raphael Angelus, vnus ex septem, qui astamus ante Dominum.* Et Apoc. 8. 2. *Vidi septem Angelos stantes in conspectu Dei* Et alibi sæpius.

5. At nusquam legimus, quod Spiritus S. aut dona Spiritus Sancti dicantur esse in conspectu throni Dei. Imò absurdè loqueretur, qui diceret, Spiritum S. esse in conspectu throni Dei, cū ipse sit Deus, & sedeat in throno Dei, in cuius conspectu sunt Angeli. Æquè absurdè loqueretur, qui diceret, dona Spiritus S. esse in cōspectu throni Dei, cum eiusmodi dona sint in nobis, quæ in hac vita degimus, & pcul absumus à conspectu throni Dei. Vide Riberam ad cap. 1. Apoc.

OCTA-



## OCTAVA QVÆSTIO.

*An Inuocatio Sanctorum fiat  
sine iniuria Dei?*

1. **A** Duerfarij ex hoc capite sic argumentantur: solus Deus vult inuocari, iuxta illud Deut. 6. 13. & Matth. 4. 10. *Dominum Deum tuum adorabis, & illi soli seruias.* Ergo Catholici faciunt iniuriam Deo, quando inuocant Sanctos.

2. **RESPONDEO** 1. Hoc argumentū retorqueri potest in aduersarios, hoc modo: Solus Deus vult inuocari, iuxta Scripturam citatā: Ergo aduersarij faciunt iniuriā Deo, qui inuocāt Sanctos in hac vita existentes. Et Apostolus fecit iniuriam Deo, cū scripsit Thessalonicensib: *Fratres orate pro nobis.* Et similiter Iacobus, cū Christianos hortatus est: *Orate pro inuicem, ut saluemini.*

3. **RESPONDEO** 2. Illa verba: *Dominum Deum tuum adorabis, & illi soli seruias,* sic debent intelligi: Non adorabis falsos Deos, sicut gentiles faciūt, sed vnū verum

rum Deum, cui soli, tãquam vero Deo, diuinum cultum exhibebis. Qui sensus clarè exprimitur, Exodi 20 3. *Non habebis Deos alienos coram me: Non adorabis eos, neque coles. Ego sum Dominus Deus tuus.*

4. Sicut ergo contra hoc præceptũ non peccant illi, qui petunt suffragia viuentium in terra: ita nec illi, qui petunt suffragia viuentium in cœlo. Et ratio est, quia neutri adorant eos, tanquam Deos, sed petunt intercessionẽ eorum apud verum Deum. At petere intercessionem apud verum Deum, nõ est colere aut adorare falsos Deos. Sicut petere intercessionem Aulicorum apud Imperatorem, non est, colere Aulicos, tanquam Imperatores; sed tanquam amicos & domesticos Imperatoris. Res vulgo nota est.





## N O N A Q V Æ S T I O.

*An Inuocatio Sanctorum fiat  
sine iniuria Christi?*

1. **N**ON fieri, probant aduersarij hoc modo: Christus est vnicus Mediator noster, per quem habemus accessum ad Patrem. (Ephes. 2. 18. & 1. Timoth. 2. 5.) Ergo non est recurrendum ad Sanctos. Hoc enim cedit in iniuriam Christi, quasi ipsius intercessio non sufficiat, sed egeat auxilio Sanctorum.

2. **R**ESPONDEO. 1. Hoc argumentū æquè procedit de Sanctis huius vitæ, ac alterius. Si ergo ppter ea, quia Christus est vnicus Mediator noster, non liceret recurrere ad Sanctos in cœlo existentes; non liceret eadem ratione recurrere ad eos, qui nobiscum viuunt; quod tamen est contra aduersarios. Si autem sine vlla iniuria Christi Mediatoris possumus inuocare Sanctos nobiscum degentes (vt reuera possumus) cur non similiter Sanctos in cœlo triū-

G      phan-

phantes? Non enim apparet, cur hoc magis sit Christo iniuriosum, quàm illud.

3. RESPONDEO 2. Christus dicitur vnicus Mediator noster, non quia solus est, sed quia principalis est. Et quidem quatuor ob causas est principalis. Primo, quia non tantum officio, sed etiam natura Mediator est, seu medius inter Deum & hominem, cùm vtriusque naturæ sit particeps. Secundo, quia nos Deo reconciliauit, non deprecando tantum, sed condignū pretium & satisfactionem exhibēdo. Tercio, quia hoc fecit ex propriis. Habebat enim vim illam ex se, id est, ex natura suæ personæ. Quarto, quia est Mediator omnium, quantum est ex parte ipsius. Pro omnib. enim mortuus est.

4. At Sancti sunt tantum Mediatores secundarij, quia nec ex propriis reconciliant nos Deo: nec per modum solutionis, sed deprecationis; neq; respectu omnium, sed aliquorum. Rectè tamen dicuntur Mediatores, quia verè intercedunt pro nobis deprecādo, & Dei dona nobis impetrando. Sicut  
Moses



Moses dicitur Sequester & medius inter Deum & populum (Deut 5.5.) quia scil. pro populo ad Deum locutus est, & pactum Dei ad populum detulit.

5. Neq; hæc intercessio, seu mediatio, vt ita dicam, vlllo modo obscurat officiũ Mediatoris Christi. Primo, quia intercessio viuentium in terris non obscurat illud, vt dictum est: Ergo nec intercessio Sanctorum in cœlo existentium. Secundo, quia sicut nos pro nobis ipsis possumus orare Deum, sine iniuria Christi; sic Sancti nobiscum possunt idem præstare. Adhibentur enim quasi comprecatores, vt nostris orationibus suas adiungant. Tertio, quia omnem vim intercedendi & impetrandi, quam habent, acceperunt ex meritis Christi. Vnde potius ad honorem ipsius cedit, quod ipse sit principalis Mediator, & alij sint secundarij, qui ab ipso in omnibus dependeant. Sicut cedit ad honorem Regis, quod alij omnes, si quid recte faciunt in Republica, ipsius imperio & auctoritate faciant.



## DECIMA QVÆSTIO.

*An Inuocatio Sanctorum sit  
signum diffidentiae?*

1. **A**ffirmant aduersarij; Quia vide-  
mur diffidere de bonitate Dei,  
quando ad Sanctos confugimus, præ-  
sertim cum ipse paratus sit nos iuuare:  
Et hortetur nos Apostolus, vt cum fi-  
ducia ad eum accedamus. (Heb. 4. 16.)

2. Catholici contra sentiunt. Pri-  
mo, quia sicut Paulus Apostolus non  
diffidebat de bonitate Dei, quando pe-  
tebat suffragia viuentium in terra; ita  
neque nos, quando petimus suffragia  
viuentium in cœlo. Secundo, quia li-  
cet Deus paratus sit nos audire, quan-  
do soli illum accedimus, tamen magis  
paratus est, quando cum amicis ipsius,  
illum accedimus,

3. Et sanè in hac re imitamur exem-  
pla Scripturæ. Nam Iob 42. 8. dicit  
Deus ad amicos Iob: *Ite ad seruum meum  
Iob, & offerte holocaustum pro vobis. Iob  
autem seruus meus orabit pro vobis: faciem  
eius*



*us suscipiam, ut non vobis imputetur stultitia.*

4. Item, Genes. 20. 7. dicit Deus ad Abimelech Regem Geraræ: *Nunc er-  
redde viro suo (id est, Abrahamo) u-  
orem, quia Propheta est, & orabit pro te,  
& viues.*

5. Item, Act. 7. 59. Stephanus ora-  
it pro persecutoribus suis, inter quos  
erat Saulus: *Domine, ne statuas illis hoc  
eccatum.* Et exauditus est. Vnde Au-  
ustinus serm. 1. de Sanctis: *Si Step-  
hanus non orasset, Ecclesia Paulum non habe-  
ret.* In his exemplis nullum est signum  
diffidentiae.

## VNDECIMA QVÆSTIO.

*An ideo non liceat inuocare San-  
ctos, quia non habemus de  
hac re præceptum diuinum?*

**S**ic sentiunt aliqui ex aduersariis,  
& nominatim Sacellanus Regis  
Angliæ in Responsione ad Apologiam  
Cardinalis Bellarmini. Et probant ex

## DECIMA QVÆSTIO.

*An Inuocatio Sanctorum sit  
signum diffidentiae?*

1. **A**ffirmant aduersarij; Quia videmur diffidere de bonitate Dei, quando ad Sanctos confugimus, praesertim cum ipse paratus sit nos iuuare: Et hortetur nos Apostolus, vt cum fiducia ad eum accedamus. (Heb. 4. 16.)

2. Catholici contra sentiunt. Primo, quia sicut Paulus Apostolus non diffidebat de bonitate Dei, quando petebat suffragia viuentium in terra; ita neque nos, quando petimus suffragia viuentium in cœlo. Secundo, quia licet Deus paratus sit nos audire, quando soli illum accedimus, tamen magis paratus est, quando cum amicis ipsius, illum accedimus,

3. Et sanè in hac re imitamur exempla Scripturæ. Nam Iob 42. 8. dicit Deus ad amicos Iob: *Ite ad seruum meum Iob, & offerite holocaustum pro vobis. Iob autem seruus meus orabit pro vobis: faciem eius*



*eius suscipiam, ut non vobis imputetur stultitia.*

4. Item, Genes. 20. 7. dicit Deus ad Abimelech Regem Geraræ: *Nunc ergo redde viro suo (id est, Abrahamo) uxorem, quia Propheta est, & orabit pro te, & viues.*

5. Item, Act. 7. 59. Stephanus orauit pro persecutoribus suis, inter quos erat Saulus: *Domine, ne statuas illis hoc peccatum.* Et exauditus est. Vnde Augustinus serm. 1. de Sanctis: *Si Stephanus non orasset, Ecclesia Paulum non haberet.* In his exemplis nullum est signum diffidentiae.

### VNDECIMA QVÆSTIO.

*An ideo non liceat inuocare Sanctos, quia non habemus de hac re præceptum diuinum?*

1. **S**ic sentiunt aliqui ex aduersariis, & nominatim Sacellanus Regis Angliæ in Responsione ad Apologiam Cardinalis Bellarmini. Et probant ex

illo Deut. 12. 32. *Quod præcipio tibi, hoc tantum facito.*

2. Sed errant. Nam multa sunt, quæ legitimè fieri possunt, & tamen à Deo præcepta non sunt. Cuiusmodi sunt hæc. 1. Servare virginitatem. 2. Dare omnia pauperibus. 3. Sæpius quotidie flexis genibus orare. 4. Sacros Ordines suscipere. 5. Agros colere, aut mercaturam exercere.

3. Nec deest luculentum exemplū in Scriptura. Nam legimus apud Ieremiam c. 35. Rechabitas cum tota sua posteritate semper abstinuisse à vino, nunquam edificasse domos, nec plantasse vineas; ideoq; à Deo fuisse cōmendatos: Et tamen nullo præcepto divino ad id præstandum erant obligati, sed tantum humano.

4. Illud porro ex Deut. *Quod præcipio tibi, hoc tantum facito*, non debet generatim accipi pro quacunque, quā facimus; sed speciatim pro sacrificio, ut sensus sit: Quod tibi præcipio, hoc tantum offerro in sacrificium, & non aliud. Videatur textus illius loci.



## D V O D E C I M A   Q V Æ S T I O .

*An Inuocatio Sanctorum fuerit usurpata in primitiua Ecclesia?*

1. **N**Egant aduersarij: Et inter se dissentiunt. Nā Philippus Melancthon in Apologia Confessionis Augustanæ art. 27. dicit veteres Scriptores ante Gregorium, nullam fecisse mentionem inuocationis Sanctorum. At Kemnitius in Examine Concilij Tridentini, sess. 22. affirmat inuocationē Sanctorum cœpisse post tempora Augustini, qui vixit ducentis fere annis ante Gregorium. Et in eodem Exam. sess. 25. ait, authorem inuocationis B. Mariæ fuisse Petrum Gnaphæum, circa annum Christi 480.

2. Quæ omnia apertè falsa sunt. Nā & ipse Augustinus, & alij Augustino antiquiores disertè scribunt de inuocatione Sanctorum, vt patet ex ipsorum verbis & testimoniis, quæ sequuntur.

3. Origenes in Tractatu, qui inscribitur Threni seu planctus: *Incipiam me genibus prosternere, & deprecari uniuersos Sanctos, ut mihi, non audenti petere Deum propter nimietatem peccati, succurrant. O Sancti Dei, vos lachrymis & fletu pleno dolore deprecor, ut procidatis misericordis eius pro me misero, &c.*

4. Nectarius Constantinopolitanus oratione de S. Theodoro Martyre: *O splendor Martyrum, & decus Sanctorum. O verè Dei donum. O custos & inuictissime defensor fidelium, ne obliuiscaris nostræ paupertatis & humilitatis; sed semper pro nobis intercedere ne te pigeat, ô vir imprimis admirande, &c.*

5. Ephrem Serm. de sanctis Martyribus: *Precamur beatissimi Martyres, qui pro Domino Salvatore, proq; illius charitate sponte tormenta subiistis, atque adeo familiarius Deo coniuncti estis, ut pro nobis miseris, & peccatoribus, & negligentia squalore sordentibus Dominum interpellare dignemini, ut superueniat in nos gratia Christi, quæ corda nostra radio sanctæ charitatis illustret, &c.*

6. Gregorius Nazianzenus oratione  
nein



ne in Cyprianum, in fine: *Tu verò nos ab alto propitius respice, nostrumq; sermonem ac vitam dirige, & sanctum ouile hoc pasce, aut una rege, ac reliqua, quantum possibile est, ad meliora dispone, molestosque lupos, syllabarum & verborum venatores illos abige: ac sancta Trinitatis, cui nunc astas, splendorem nobis perfectiorem & clariorem gratificare, quam adoramus, quam glorificamus, &c.*

7. Item oratione in laudem Basilij Magni in fine: *Tu autem sacrum ac diuinum caput, ex alto nos respice, & carnis stimulum, instructionem nostram à Deo nobis datam, aut tuis siste precibus, aut fortiter me ferre persuade, totamq; vitam nobis in melius permuta, &c.*

8. Gregorius Nyssenus oratione in laudem Sancti Theodori Martyris, circa finem: *Multorum beneficiorum indigemus: intercede ac deprecare pro patria apud communem Regem & Dominum, &c. Timemus afflictiones: expectamus pericula: non longè absunt scelesti Schyta, bellum aduersum nos parturientes. Vt miles, propugna pro nobis: Vt Martyr, pro conseruis utere libertate loquendi, &c. Petepacem,*

ut hi publici conuentus non desinant: ne debacchetur atq; grassetur aduersus templa altaria ve rabiosus & sceleratus barbarus: ne conculcet sancta profanus & impius. Nos enim etiam, quod incolumes & integri conseruati sumus, tibi beneficium acceptum referimus. Petimus autem etiā futuri temporis praesidium atque securitatem. Quod si maiori etiam opus fuerit aduocatione ac deprecatione, fratrum tuorum Martyrum coge Chorum & cum omnibus vnā deprecare. Multorum iustorum preces, multitudinum ac populorum peccata luant. Admone Petrum, excita Paulum, &c.

9. Ambrosius in libro de Viduis, circa medium: Obsecrandi sunt Angeli pro nobis, qui nobis ad praesidiū dati sunt: Martyres obsecrandi, quorum videmur nobis quoddam corporis pignore patrociniū vendicare. Possunt pro peccatis rogare nostris, qui proprio sanguine, etiam si qua habuerunt peccata, lauerunt. Isti enim sunt Dei Martyres, nostri praesules, speculatores vitæ, actuumq; nostrorum. Non erubescamus eos intercessores nostra infirmitatis adhibere, &c.

10. Hic-



10. Hieronymus epist. 27. ad Eustochiam Virginem de Epitaphio Paulæ matris, c. 14. *Vale, ô Paula, & cultoris tui ultimam severitatem orationibus iuva. Fides & opera tua Christo te sociant: præsens facilius, quod postulas, impetrabis.*

11. Chrysostomus hom. 26. in epistolam posteriorem ad Corinthios, nō longè à fine: *Quin sepulchra servorum Crucifixi regis aulis sunt splendidiora, nō edificiorum amplitudine ac splendore, sed quod multo amplius est, convenientium studio. Nam & ipse ille purpura indutus, peregrè proficiscitur, sepulchra illa complexurus, & fastu posito, consistit, Sanctos rogans, ut sibi apud Deum patrocinentur: Et tabernaculorum artificem (id est, Paulū Apostolum) ac piscatorem (Petrum) patronos etiam mortuos precatur, ipse diadema gestans. Audebisne igitur, dic quaeso, horum Dominum dicere mortuum, cuius famuli etiam mortui, huius mundi Regum sunt Patroni? Atque id cernat quis non Roma tantum fieri, sed etiam Constantinopoli.*

12. Hi omnes Patres Augustino antiquiores sunt. Vnde cōstat aduersarios vel mentiri, vel ut minimum errare, cum

cùm aiunt, inuocationem Sanctorum  
 cœpisse post Augustinum. Iam verò,  
 quid ipse Augustinus sentiat, notissi-  
 mum est. Nam in libro Meditationum  
 cap. 24. sic scribit: *Fœlices Sancti Dei om-  
 nes, qui iam pertransistis huius mortali-  
 tatis pelagus, & peruenire meruistis ad por-  
 tum perpetuæ quietis, securitatis & pacis:  
 securi & tranquilli, semperq; festiui atque  
 gaudentes: Obsecro vos per vestram cha-  
 ritatem, qui securi estis de vobis, solliciti e-  
 stote de nobis: securi estis de vestra immar-  
 cessibili gloria, solliciti estote de nostra mul-  
 tiplici miseria. Per ipsum vos rogo, qui vos  
 elegit, qui vos tales fecit, de cuius pulchri-  
 tudine iam satiamini, de cuius immortali-  
 tate iam immortales facti estis, de cuius  
 beatissima visione semper gaudetis: Estote  
 iugiter memores nostri: subuenite nobis mi-  
 seris, qui adhuc in salo huius vitæ circum-  
 statibus agitamur procellis. Et paulopost:  
 Intercedite, orate constanter atq; indefi-  
 nenter pro nobis miseris, multumq; negli-  
 gentibus peccatoribus.*

13. Et ibidem cap. 40. *Sancta & im-  
 maculata Virgo Deigenitrix MARIA, &  
 Mater Domini nostri IESU CHRISTI,*  
*inter-*



*interuenire pro me digneris apud illum. cuius meruisti efficere templū Sancte Michaël, Sancte Gabriel, Sancte Raphael, sancti Chori Angelorum atque Archangelorum, Patriarcharum atque Prophetarum, Apostolorum, Euangelistarum, Martyrum, Cōfessorum, Sacerdotum, Leuitarum, Monachorum, Virginum, omniumq; iustorū: per illum, qui vos elegit, & de cuius contemplatione gaudetis, vos rogare præsumo, ut pro me culpabili, ipsi Deo supplicare dignemini, &c.*

14. Et libro 7. de Baptismo contra Donatistas cap. 1. inuocat Sanctum Cyprianum, his verbis. *Adiuuet itaq; nos orationibus suis, in istius carnis mortalitate, tanquam in caliginosa nube laborantes, ut donante Domino, quantum possumus, bona eius imitemur.* Et libr. 22. de Ciuitate Dei cap. 8. refert miracula, quibus Sanctorum inuocatio confirmata est. Hæc legant aduersarij, & intelligent se in errore versari.



## DECIMATER TIA QVÆST.

*An S. Georgius, S. Christophorus, S. Hippolytus, S. Catharina (qui innocantur à Catholicis) exstiterint aliquādo in rerum natura?*

1. **A** Liqui ex aduersariis negant vnamquam exstitisse. Et quidem Philippus Melanchthon in Apologia Cōfessionis Augustanæ art. 21. de S. Christophoro sic scribit: *Christophorum pinxit aliquis vir prudens, ut significaret per allegoriam, magnū oportere robur animi esse in his, qui ferrent Christum, id est. qui docerent Euangelium, aut confiterentur, quia necesse sit subire maxima pericula. Deinde stolidi Monachi apud populum docuerunt inuocare Christophorum, quasi talis Polyphemus aliquando exstitisset.*

2. Et Caluinus lib. 3. Inst. cap. 20. §. 27. Georgium & Hippolytum appellat Laruas. Et Raynoldus Caluinianus lib. 1. de Roman. idol. ait, illos, sicut & Christophorū ac Catharinam, vocari Laruas



Larvas à Caluino, cò quod nunquam exstiterint in rerum natura. Similia habent Kemnitius in 3. parte Examinis, Franciscus Gomarus, & alij recentiores.

3. Ratio ipsorum est, quia multa scribuntur de Georgio, Christophoro, Hippolyto & Catharina, quæ ficta, fabulosa & apocrypha sunt. Quæ sanè ratio nulla est. Nam multa etiam fabulosa scripta sunt de Anchise, Ænea, Hectore: Multa etiam de Luthero & Caluino, quæ Lutherani & Calvinistæ figmenta esse contendunt. An hinc liceat inferre, Anchisen, Æneam, Hectorem, Lutherum & Calvinum, nunquam exstitisse in rerum natura? Nullo modo.

4. Aliud est, non exstitisse Sanctos illos, de quibus agimus: aliud, historias quasdam, quæ de ipsis scriptæ sunt, apocryphas & incertas esse. Hoc posterius concessero, non illud prius. Sicut Gelasius Papa apud Gratianum (cap. Sancta Romana distinct. 15.) concedit Librum de infantia Saluatoris, Itinerarium Petri Apostoli, Euangelium Thadæi, & similia scripta, quæ ibi  
recen-

recenset, esse apocrypha: non tamen concedit Saluatorem, Petrum & Thadæum, nunquam exstitisse in rerum natura. Hæc generatim dicta sint. Nunc de singulis seorsim agam, cum nostro SERARIO.

## DE S. GEORGIO.

**S**icut non aliunde probari potest, Constantinum, Arcadium & Honorium Imperatores aliquando in rerum natura fuisse, nisi ex probatis authoribus, qui id testantur; sic etiam de nostris Sanctis statuendum est. Sunt autem & plurimi, & probatissimi authores, qui testantur S. Georgium aliquando exstitisse.

1. Græci in suo Martyrologio, vbi eum *μεγαλομάρτυρα καὶ τροπαιφόρον*, id est, magnum Martyrem & quasi antesignanum appellant.

2. Æthiopes in Missa, vbi vocatur *Sydus honoris*, seu *Stella splendida*.

3. Latini in Martyrologiis, Missalibus, & Ritualibus omnibus.

4. Vrbs Diospolis seu Lydda, vbi Martyrio affectus est. Nam ibi exstat  
Tem-



Templum S. Georgij, vt constat ex  
Guilielmo Tyrio lib. 7. belli sacri.

5. Iustinianus Imperator, qui in ho-  
norem S. Georgij Basilicam ædifica-  
uit, teste Procopio lib. 1. ædific. Iusti-  
niani

6. Manuel Commenus, qui in O-  
rientali Ecclesia Festum S. Georgij ob-  
seruari voluit, vt patet ex quadam i-  
psius Constitutione, quæ sic habet:  
*Feriatuſ eſt 23. Aprilis, quippe quia tunc  
magnificuſ Martyr Georgiuſ honoretur.*

7. Sidoniuſ Episcopuſ Mogunti-  
nuſ, qui eidem Sancto Georgio tem-  
plum erexit, quod sæpe viſitauī. De  
quo Venantiuſ Fortunatuſ lib. 1. Epi-  
gram. 13. ſic canit:

*Martyriſ egregij pollē micat aula Georgi,  
Cuiuſ in hunc munduſ ſpargitur altuſ  
honor.*

*Carcere, cæde, fame, vinclis, ſite, frigore,  
flammiſ,*

*Confēſſuſ Chriſtū, duxit ad aſtra caput.  
Qui virtute potēſ, Orientiſ in arce ſepul-  
tuſ,*

*Eccē ſub occiduō cardine præbet opem.  
Ergo memento preceſ & reddere dona via-  
tor:*

H

Ob-

*Obtinet hic meritis quod petit alma fides.  
 Condidit Antistes Sidonius ista decenter,  
 Proficiant anima, quæ noua templa,  
 suæ.*

8. Gelasius Papa loco supracitato, ubi tamen si narrationem quandam de S. Georgio dicat esse apocrypham & incertam; tamen ipsum Georgium recipit in numerum Martyrum.

9. Sanctus Gregorius Magnus libr. 9. epist. 68. ad Marinianum Abbatem expressè scribit se velle, ut Ecclesia S. Georgij restauretur.

10. Gregorius Turonensis in lib. de gloria Martyrum, cap. 101. agit de Reliquiis & miraculis S. Georgij.

11. Basilii Magni in Liturgia orat Deum per intercessionem tum aliorum Sanctorum, tum etiam S. Georgij, ut patet ex Arabico exemplari Iosephi Scaligeri, quod à Victorio Sialach latinè conuersum est.

12. Sanctus Germanus, Ierosolymā profectus, accepit brachium S. Georgij à Iustina Imperatrice, & cum magna veneratione Parisios detulit, teste

Aimo-



Aimoino lib. 2. de gestis Francorum c. 20. & lib. 3. cap. 9.

13. Zacharias Pontifex inuenit caput S. Georgij cum inscriptione nominis, & in templo eiusdem Martyris reposuit, vt patet ex vitis Pontificum.

14. Sanctus Anno exstruxit templū in honorem S. Georgij, quod adhuc Coloniae Agrippinae celeberrimum visitur.

15. Nicephorus Imperator implorauit opem S. Georgij, & victoriam in bello obtinuit, teste Cedreno in Compendio historiarum.

16. Idem fecit Chunibertus Francorum Rex, apud Paulum Diaconum lib. 6. de gestis Longobardorum cap. 5. Et Edouardus Tertius Anglorū Rex, & alij plures. Vide Nicephorum lib. 7. c. 15. Baronium Tom. 7. Annal. Serariū in Litaneuticis, lib. 2. q. 20.

### *De S. Christophoro.*

**A** Duerfarij tria obiiiciunt contra hunc Sanctū. Primo, quod nomē Christophori nō sit propriū, sed appellatiuū. Secundo, quod historia ipsius

H 2 non

non sit certa. Tertio, quod pingatur instar alicuius Gigantis. Vnde Daniel Chaimerus Calvinista in Epistolis Iesuisticis, pagin. 46. *Quis, inquit, posset Christophorum negare portentum esse?* Et Melanchthon loco supra citato, itemq; Chytræus in Onomastico, per ludibrium vocant illum Polyphemū.

Sed multo, & antiquiores, & meliores Authores defendunt S. Christophorum contra huiusmodi obtrectantium dicacitatem.

1. Sanctus Eulogius in Martyrio alterius cuiusdam Christophori, à Saracenis interfecti.

2. Sanctus Gregorius Magnus lib. 8. epist. 33.

3. Beda, Ado, & Vsuardus in Martyrologio, die 25. Iulij.

4. Martyrologium Romanum, in quo sic legimus: *In Lycia S. Christophori Martyris, qui sub Decio ferreis virgis attritus, & à flammæ æstuantis incendio Christi virtute sanatus, ad ultimum sagittarū ictibus confossus, martyriū capitis obtruncatione complevit.*

5. Græci in Menologio, ad diem 7. Idus Maias.

6. Ec-



6. Ecclesia Hispanica. Nam Cordubæ fuit Templum & Monasterium S. Christophori.

7. Ruggerus Fuldenſis, ex quo Viciſſius ſcripſit Epitomen vitæ S. Chriſtophori in ſuo Hagiologio.

8. Antiqua Ludouici Imperatoris Litania, quæ adhuc exſtat Francofurti in Archiuo S. Bartholomæi.

9. Petrus Damianus ſcripſit pulchrum Sermonem de S. Chriſtophoro, qui eſt ſermo 34. in 2. Tomo.

Nec obſtant argumenta contraria. Primo, quia multa ſunt nomina appellatiua, quæ tanquam propria vulgo uſurpantur, vt Chriſtophorus, Chriſtianus, Theophilus, Philippus, Philæmon.

Secundo, tametiſi quædam in hiſtoria S. Chriſtophori ſint incerta, non ideo negandum eſt, S. Chriſtophorū aliquādo fuiſſe in rerum natura. Nam multa etiam incerta ſunt in hiſtoriis aliorum Sanctorum, quos tamen propterea non reiicimus.

Tertio, de pictura S. Chriſtophori, itemq; de ſtatura gigantea ſcribūt Ba-

ronius in Martyrologio, Hieronymus Vida in Hymnis, Ioannes Molanus de picturis cap. 23. & alij. Ac certum est, multos etiam hoc tempore esse gigantes; ac proinde fieri potuisse, vt & Sanctus Christophorus in gigantea fuerit mole ac quantitate. Incertum tamen, an re ipsa fuerit.

### *De S. Hippolyto.*

**N**Os agnoscimus tres Sanctos Hippolytos. Primum Antiochenum Presbyterum, de quo in Martyrologiis die 29. Ianuarij. Alterum Portuenssem Episcopū, de quo die 22. Augusti. Tertium, qui pingitur ab equis distractus, ideoque & nomine & re Hippolytus est. Hunc tertium negant aduersarij. Sed multi pro illo sunt testes.

1. Prudentius in lib. de coronis, vbi inter cætera de hoc Hippolyto iam equis alligato, sic scribit.

*Vltima vox audita viri venerabilis hæc est:*

*Hi rapiant artus: tu rape Criste animã.*

2. Beda, Vfsuardus, & Ado in Martyrologijs.

3. Mar-



## 3. Martyrologium Romanum.

Obiiciunt aduersarij , fuisse apud gentiles quendam Hippolytum Theſei filium, quem Ouidius in Metamorphosi, & Euripides in Phædra, scribunt ab equis dilaceratum esse. Sed hoc nō obstat, quo minus apud Christianos etiam fuerit alius Hippolytus, qui eodem genere mortis affectus sit. Immo gentilis ille, putatur fuisse occasio, cur noster Christianus simili carnificinæ ab Ethnico tyranno adiudicaretur, vt refert Prudētius lico citato, his versib:  
*Ille supinata residens cernice, quis, inquit,*

*Dicitur? affirmant dicier Hippolytum.  
 Ergo sit Hippolytus: quatiat turbetq, iugales,  
 Intereatque feris dilaceratus equis.*

*De S. Catharina.*

Et hanc reiiciunt aduersarij. Et quidem Daniel Chamierus: *Quæ, inquit, quæso illa est Catharina, nisi idolum fictum ad instar ethnice Palladis?* Sed illam agnoscunt & prædicant, qui sequuntur.

1. Græci in Menologio, die 24. Nouembris.

2. Latini in Martyrologio Romano.

3. Euthymius in Psalm. 44. explicās illum versum: *Delectauerunt te filiae Regum*, sic addit: *Qualis fuit sanctissima Catharina.*

4. Sanctus Paulus Æleanus, vt patet ex ipsius vita apud Baronium Tomo 10. Annalium.

5. S. Bonauentura in sermone de S. Catharina.

6. S. Antoninus in hist. par. 1. tit. 8. cap. 1.

7. Sepulchrum S. Catharinæ, quod etiam nunc visitur in monte Sinai.

8. Templum ibi constructum: sicut & alia in aliis locis quamplurima.

9. Monachi, qui assidue in illo monte Deum laudant & S. Catharinam colunt.

10. Dies festus qui in ipsius honorem toto orbe celebratur.

11. Academix, quæ illam studiosorum patronam elegerunt.

12. Sigilla, quibus Academici multis in locis vtuntur.

13. Re-



13. Reliquiæ & miracula, de quibus  
Thomas Cantipratenſis lib. 2. cap. 59.  
Cæſarius lib. 7 cap. 22. & lib. 8. capite  
8. & 9.

Hæc totius Chriſtiani orbis testi-  
monia pluris valere debent apud pru-  
dentem Lectorem, quam paucorum  
hominum, qui nuper exorti ſunt, con-  
tradicens ſtudio & arrogantia.

Plura videantur apud Sera-  
rium loco citato.





*ASSERTIONES,*  
**D E V O C A -**  
**T I O N E M I N I S T R O -**  
**R V M E C C L E S I Æ V E T E -**  
*ris & Noui Testamenti.*

*AUTHORE*

EODEM R. P. MARTINO BE-  
 C A N O.

ASSERTIO I.



Opulus Dei, tam in  
 Veteri, quã in nouo  
 Testamento, duobus  
 modis regi ac guber-  
 nari solet. Primo, in  
 rebus politicis, quæ  
 ad externam Reipubl. pacem & tran-  
 quillitatem spectant. Hoc fit per Re-  
 ges, Principes, & alios Magistratus se-  
 culares. Secundo, in rebus fidei ac re-  
 ligio-



ligionis, quæ salutem animæ concernunt. Hoc fit per ministros Ecclesiæ, de quibus nunc agimus.

## I I.

In vtroque gubernandi genere, necessaria est legitima vocatio. Nam neque Reges & Principes sæculares possunt vsurpare regimen temporale, neque ministri Ecclesiæ, Ecclesiasticum, nisi legitimo titulo ad hoc officium deputati & admissi sint. Et, si aliter faciant, priores quidem appellantur Tyranni: posteriores verò, fures & latrones, iuxta illud Christi, Ioann. 10. v. 1.

*Qui non intrat per ostium in ouile ouium, sed ascendit aliunde, ille fur est & latro.*

## I I I.

Hoc loco, relicta Regum ac Principum sæcularium vocatione, tantum agam de Vocatione Ministrorum Ecclesiæ, de qua Scriptura sic loquitur. Hebr. 5. v. 4. *Nec quisquam sumit sibi honorem, sed qui vocatur à Deo, tãquam Aaron* Et Romanor. 10. vers. 15. *Quomodo verò predicabunt, nisi mittantur?* Et Ieremiæ 23. v. 21. *Non mittebam Prophetas,*  
*& ipsi*

*& ipsi currebant: non loquebar ad eos, & ipsi prophetabant.*

## I V.

Agam autem hoc ordine. 1. De ordinaria & extraordinaria Vocatione Ministrorum Ecclesiæ Veteris Testamenti. 2. de ordinaria & extraordinaria Vocatione Ministrorum Ecclesiæ noui Testamenti. 3. Quod Ministri Lutherani & Caluiniani, nec ordinaria, nec extraordinaria Vocatione legitime vocati sint; ac proinde quod qui illos audiunt, patiantur se decipi.

---

*De ordinaria Vocatione Ministrorum veteris Testamenti.*

## V.

**D**Vplex solet distingui Vocatio. Vna ordinaria, quæ sit à Deo, mediâ te consensu & cooperatione eorum hominum, quorum interest: quo pacto Parochus vocatur ex consensu Episcopi; Episcopus ex consensu Pontificis;



rificis; Pontifex ex consensu Cardinalium. Altera extraordinaria, quæ immediate fit à solo Deo: quo pacto vocati sunt Moyses, Prophetæ, Apostoli.

## VI.

Igitur in Vet. Testamento Ministri Ecclesiæ, qui ordinariè vocabantur, erant triplices. 1. Pontifex, seu summus Sacerdos. 2. Alij Sacerdotes inferiores. 3. Leuitæ. Omnes de tribu Leui, quæ speciatim cultui diuino erat destinata. Num. 3. v. 1. & 2. cap. 8. v. 13.

## VII.

In illorum Vocatione multa spectari possunt. 1. Electio seu designatio certæ personæ. 2. Purificatio præcedens consecrationem. 3. ipsa consecratio. 4. Applicatio ad vsum ministerij. 5. potestas & officium ministerij.

## VIII.

Electio seu designatio personæ fiebat per hæreditariam successionem. Nam filij succedebant patribus: quo pacto Aaroni successit Eleazar; Eleazaro Phinees, & sic deinceps. (Ecclesiast 45. v. 7.)

## IX. In

## IX.

In purificatione seruabantur ritus à Deo praescripti. Cuiusmodi erant hi.  
 1. Aspersio aquæ lustralis. 2. Rasio pilorum. 3. Latio corporis & vestium. 4. oblatio sacrificij pro peccato. (Numer. 8. v. 6. & Exod. 29. v. 4.)

## X.

Post purificationem sequebatur consecratio. Et quidem Leuitæ consecrabantur hoc modo. 1. separabantur de medio filiorum Israël. 2. Pontifex conferebat illos Deo in ministerium Tabernaculi, & pro illis orabat, vt bene fungerentur suo officio. (Num. 8. v. 9.) Cum hoc modo iam essent consecrati, applicabantur ad vsum ministerij, eo ipso, quod intromitterentur in Tabernaculum fœderis Domini. (Num. 8. v. 22.)

## XI.

Pontificis autem & Sacerdotum consecratio perficiebatur hoc modo. 1. post lotionem, Pontifex ornatus Pontificali, & Sacerdotes sacerdotali inducebantur, (Exodi 29. vers. 4.) Deinde Pontifex



Pontifex vngebatur oleo vnctionis in capite; non item Sacerdotes. (Exodi 29. v. 7.) Tertio, tam Pontifex, quam Sacerdotes, in extremo auriculæ dextræ, & similiter in pollice manus ac pedis dextri, tangebantur sanguine arietis immolati. (Exodi 29. v. 20.) Quarto, non solum Pontifex & Sacerdotes, sed etiam vestes eorum, sanguine arietis, & oleo vnctionis aspergebantur. (Ibidem, v. 21.) Denique, multa ex canistro panum, & ex ariete immolato, dabantur illis in manus, vt ea leuarent coram Domino. Quo signo, non solum dabatur illis potestas sacrificandi, sed simul applicabantur ad vsum ministerij, quod potissimum consistebat in sacrificando. (Ibidem, vers. 22. & seq.)

## XII.

Cæterum, vt maior esset solennitas huius actionis, triplex in ea sacrificiū offerebatur. 1. Vitulus in hostiam pro peccato. 2. Aries in holocaustum. 3. Aries alter in hostiam pacificam. (Exodi 29. v. 1. & Leuit. 9. v. 2.)

## XIII. Cur

## XIII.

Cur vero tot ceremoniæ adhibitæ fuerint in consecratione Pontificis & Sacerdotum, tres causæ assignari possunt. Vna ex parte officij sacerdotalis. Altera ex parte Pontificis & Sacerdotum. Tertia ex parte populi seu subditorum.

## XIV.

Igitur prima causa est, quia Deus, tot ritibus ac solennitatibus, voluit ostendere præstantiam, dignitatem, & sanctitatem officij Sacerdotalis. Et, quod nemo ad officium tam sanctum ac diuinum debet accedere, nisi prius speciatim à Deo electus, & publicè coram populo in hunc finem esset cōsecratus. Hinc grauissimè puniti sunt, qui ingesserunt se in officium Sacerdotale, cū non essent cōsecrati. Exemplum habemus in Chore, Ieroboam, & Ozia. Chore viuis à terra absorptus est. (Num. 16. v. 31.) Ieroboamo manus repente exaruit. (3. Reg 13. v. 4.) Ozias lepra percussus est. (2. Paralip. 26 v. 19.)

## XV. Al.



## XV.

Altera causa est, ut ipsimet Pontifices & Sacerdotes, ex illis ritibus ac ceremoniis caperent duplicem utilitatem. Primo quidem, ut meminissent se debere esse sanctos, & puros coram Domino, qui ad tam sanctum & purum ministerium electi à Deo & consecrati essent. Deinde, ut in aduersitatibus & periculis, quæ sæpe occurrunt in tali officio, possent seipsum solari & erigere. Nam sicut illi, qui præsunt aliis in rebus temporalibus, sæpe vel à suis subditis, vel ab hostibus affliguntur; sic multo magis contingit illis, qui in cura animarum principatum tenent.

## XVI.

Hoc in veteri Testamento experti sunt Aaron, Zacharias, Azarias. Et in Nouo, Apostoli. Matth. 10. v. 16. *Ecce ego mitto vos sicut oves in medio luporum.* Et Ioan. 16. v. 2. *Venit hora, ut omnis, qui interficit vos, arbitretur obsequium se præstare Deo.* Et nominatim S. Paulus 2 Corinth. 22. v. 23. *In laboribus plurimis, in carceribus abundantius, in plagis supra modum,*

*dum, in mortibus frequenter. Ter virgis  
cæsus sum, semel lapidatus sum, ter naufragium  
feci. &c.*

## XVII.

Cum ergo huiusmodi viri, tot miseriis expositi sint, necesse est, vt habeant aliquid, quo se solentur, ne oneri succumbant. Id in veteri Testamento factum est per solennes ritus ac ceremonias, quibus Sacerdotes & Pontifices ex mandato Dei cōsecrabantur. Nam inde certo illis constabat, se à Deo speciali officio Deo ministrarent, ac proinde, vt omnia aduersa, quæ tali officio annexa essent, libenti ac forti animo sustinerent. Ex quo vltèrius facile sibi perluadebant, quidquid ratione Vocationis acerbum ac molestum eueniret, non nisi in bonum exitum, diuina ordinatione, cessurum.

## XVIII.

Tertia causa est, vt etiam subditi ex tali ceremoniarum solennitate fructum aliquem perciperent. Qui quidem fructus erat duplex. Alter, quod ex publica



blica consecratione certò agnoscerent suos Pastores, quibus ipsorum salus commissa esset. Alter, quod scirèt, quantum honorem & reuerentiam, propter sanctitatem officij, præstare illis oporteret.

## XIX.

Nunc venio ad officium & potestatem Ministrorum. Pontifex habebat quædam officia communia cum aliis Sacerdotibus: quædam sibi propria ac pecuniaria. Communia erant hæc decem.

Primum offerre victimas seu sacrificia super altare holocausti (Leuit. i. v. 2. & 3.)

Secundum, in eodem altari, in usum sacrificiorum, alere seu nutrire perpetuum ignem, subiiciendo illi quotidie ligna. (Leuit. 6. v. 12.)

Tertium, bis quotidie, nempe mane & vespere, ponere & adolere incensum super altare thymiamatis. (Exodi 30. vers. 1.) Erant enim duo altaria legitima: Vnum holocausti, in quo victimæ, seu sacrificia offerebantur:

I 2      Alte-

Alterum thymiamatis, in quo aromata suauissimi odoris incendebantur. Hoc aureum; illud æreum.

Quartum, bis quotidie, affuso oleo oliuarum, concinnare lucernas, quæ erant in candelabro aureo, iuxta altare thymiamatis. (Exodi 25.  $\psi$  27. & Leuit. 24.  $\psi$  2.)

Quintum, singulis Sabbatis duodecim panes calidos ponere super mensam propositionis, & veteres indere mouere ac comedere. (Exodi 25.  $\psi$  23. & Leuit. 24.  $\psi$  5.)

Sextum, immolare vaccam ruffam, extra castra (Num. 19. v. 3.) Ex cineribus huius vaccæ fiebat aqua lustrationis, seu expiationis.

Septimum, adiurare mulieres in casu Zelotypiæ. (Num. 5. v. 11.) vbi etiam describitur ritus adiurandi.

Octauum, discernere inter lepram & lepram. (Leuit 13. per totum, & Deuter. 17. v. 8.) Priori loco cōtinetur modus discernendi.

Nonum, expiare seu mundare leprosos, puerperas, menstruofas, & seminafluos. (Leuit. 12, & seqq.)

Deci-



Decimum, Legem Dei scire, interpretari, & alios docere. (Aggæi 2. v. 12. & Malachiæ 2. v. 7. *Labia Sacerdotis custodient scientiam, & legem requirent ex ore eius.*)

## XX.

Propria erant hæc quatuor. Primum, semel in anno, nimirum in solenni die expiationis, seu propitiationis, introire in Sanctuarium, seu in Sancta Sanctorum. (Heb. 9. v. 7.) Et instituere publicam expiationem totius populi ab omnibus peccatis & immunditiis toto anno contractis. (Leuitici 19. per totum.)

## XXI.

Vbi notandum est, duplicem fuisse expiationem in veteri Testamento. Vnam priuatam & particularem, qua vel leprosi, vel puerperæ, vel alij, qui haberent aliquam immunditiam legalem, expiari solent. Alteram publicam & vniuersalem, qua tota multitudo seu Ecclesia Israëuitarum mundabatur.

Prior fiebat sæpe in anno: posterior de qua hic agimus, semel duntaxat.

Prior à quouis Sacerdote: posterior à solo Pontifice. Prior extra Sanctuariū: posterior, partim in Sanctuario, partim extra.

Fiebatautem hoc ritu. Primo, totus populus eo die cessabat ab omni opere seruili, & ieiunabat vsque ad vesperam. 2. Pontifex lauabat se aqua, & induebat vestes pontificales. 3. antequam inciperet publicam expiationem, præmittebat tres alias, quæ tamē publice subseruiebant. Vnam sui ipsius & familiæ suæ, oblatione vituli pro peccato, & arietis in holocaustum. Alteram Tabernaculi & Sanctuarij, partim vapore seu nebula accensorum aromaticum; partim septena aspersione sanguinis ex immolato vitulo & hirco. Tertiam altaris thymiamatis, sola aspersione sanguinis.

## XXII.

His peractis, sequebatur publica expiatio, hoc modo: Pontifex, qui ab initio miserat sortem super duos hircos, vt alter immolaretur pro peccato, alter viuus mitteretur in desertum, hunc  
statue-



statuebat in conspectu multitudinis, & posita vtraque manu super caput eius, confitebatur omnes iniquitates & peccata filiorum Israël, eaq; capiti astantis Hirci imprecabatur; & sic mittebat eum in desertum, quasi auferentem & portantem peccata totius populi. Vnde & Hircus seu caper Emisfarius dictus est. Hæc omnia prolixè habentur. Leuit. 16.

Secundum officium Pontificis erat, consecrare Leuitas & Sacerdotes, iuxta eum ritum, qui describitur Exodi 29. Leuit. 8. & Num. 8. De quo ritu superius actum est.

Tertium, in controuersis legalibus agere supremum iudicem, & pronuntiare vltimam sententiam, cui omnes sub pœna mortis tenebantur obedire & acquiescere. (Deut. 17. v. 12. & 2. Paralip. 19. v. 11.)

Quartum, in rebus gerendis, quæ maioris momenti essent, consulere Deum, & ab eo responsum accipere. Hoc officium distinguitur à præcedenti. Nam aliud est, interpretari legem, & ex eius interpretatione controuersias

legales dirimere: Aliud verò, sciscitari à Deo, an hoc vel illud negotium suscipiendum sit: de quo hic agimus.

## XXIII.

Igitur in V. T. si quando circa res agendas aliqua dubitatio maioris momenti oriebatur, recurrendum erat ad Pontificem, qui consulebat Deum, & accepto ab eo responso, docebat alios quid faciendum esset. Erat autem duplex obligatio in hoc officio. Vna eorum, qui volebant rem aliquam maioris momenti aggredi. Nam antequam hoc facerent, tenebantur accedere Pontificem, & ab eo consilium petere. Altera Pontificis, qui debebat rem illà Deo proponere, & ab eo sciscitari, retene, an secus suscipi posset. (Num. 27.v, 21.)

## XXIV.

Sic David Rex, cum intellexisset insidias sibi parari à Saule, accessit Abiathar Pontificem, & per eum quæsiuit à Deo, an tutò posset morari in vrbe Ceila? Et, an ciues Ceilitæ essent eum tradituri Sauli? (1. Reg. 23.v, 9.)

Idem



Idem Dauid alio tempore, pereundem Pontificem consuluit Deum, an deberet persequi Amalecitas, qui spoliauerant & succenderant oppidum. Siceleg, (1. Reg. 30. v. 6.)

Quod autem Dauidi familiare fuerit, hoc modo Deum interrogare, patet 1. Regum 22. v. 15. vbi Achimelech Pōtifex accusatus apud Saulem, quod Dauidi adhæreret, & pro eo Dominū consuluiſſet, respondit Regi: *Num hodie cæpi pro eo consulere Deum?* q. d. sæpe ante hæc tempora id feci. Nihil noui facio.

## X X V.

Aliis porro, qui negligebant contulere Deum per Pontificem, male succedebat. Ac primo, Iosue & alij Principes filiorum Israël, decepti sunt à Gabaonitis, eò quod fœdus cum illis pacti essent, non consulto prius Deo. Iosue 9. v. 14.

Secundo, Saul elatus victoria, & præfusus suis viribus, cum vellet, inconsulto Deo, Philistæos persequi, monitus à Pontifice est, ne id faceret. Et cum

I 5      postea

postea consuluisse Deum, nullum responsum ab eo impetrauit. Itaque non potuit vti victoria, sicut animo destinauerat. (1. Reg. 14. v. 36.)

Tertio, filij Israël pugnaturi cum Beniamitis, consuluerunt quidem Deum per Pontificē, sed tamen, quia magis confidebant suis copiis, quam Dei oraculo, multi ex iis cēsi ac fugati sunt. (Iudicum 20. v. 22.)

## XXVI.

Quæres, quo modo vel ritu solitus sit Pontifex consulere Deum in huiusmodi casibus? Respondeo. Aliter Moses, qui erat extraordinarius Pontifex, aliter alij, qui erāt ordinarij, soliti sunt id facere. Moses, ingressus Tabernaculum fœderis, *facie ad faciem* cū Deo loquebatur, *sicut solet homo cum amico loqui.* (Exodi 33. v. 11.) Alij Pontifices, qui postea secuti sunt, induiti Ephod, loquebantur cum Deo, non quidem facie ad faciem, sed aliquo alio peculiari modo, qui tamen apud Scriptores & Interpretes non satis compertus est.



*De extraordinaria vocatione  
Ministorum Veteris Te-  
stamenti.*

XXVII.

**E**Xtraordinarie vocabantur illi, vt dixi, qui à solo Deo, sine ministerio aliorum hominum vocabantur: quo pacto vocati sunt Moses ad officium Pontificale; Helias & alij Prophetæ ad docendum & arguendum populum.

Hæc Vocatio, quia fiebat à solo Deo, debebat ita fieri, vt populo euidenter constaret, talem vel talem Prophetam docēdi causa, ad se missum à Deo esse. Ideoque necesse erat, huiusmodi Vocationem aliquo euidenti signo, vel miraculo, authēticè cōprobari. Quod semper etiam factum est.

XXVIII.

Et quidem de Missione Mosi sic loquitur Scriptura, Exodi 3. & 4. *Moses pascebat oues, & apparuit ei Dominus in flamma ignis, & ait: Veni, & mittam te ad*

te ad Pharaonem, ut educaſ filios Iſraël de Ægypto. Reſpondens autem Moſes, ait: Non credent mihi, neque audient vocem meam, ſed dicent: Non apparuit tibi Dominus. Dixit ergo ad eum: Quid eſt, quod tenes in manu tua? Reſpondit: Virga. Dixitq; Dominus: Proiice eam in terram. Proiecit, & verſa eſt in colubrum. Dixitq; Dominus: Extende manum tuam, & apprehende caudam eius. Extendit & tenuit, verſaq; eſt in virgam. Vt credant, inquit, quod apparuerit tibi Dominus Deus patrum tuorum. Dixitq; Dominus rurſum: Mitte manum tuam in ſinum tuum. Quam cum miſiſſet in ſinum, protulit leproſam inſtar niuis. Retrahe, ait, manum tuam. Retraxit & protulit iterum, & erat ſimilis carni reliquæ. Si non crediderint, inquit, tibi, neque audierint ſermonem ſigni prioris, credent verbo ſigni ſequentis. Quod ſi nec duobus quidem hiſ ſignis crediderint, neque audierint vocem tuam, ſume aquam fluminis, & effunde eam ſuper aridam, & quidquid hauſeris de fluuio, vertetur in ſanguinem, &c.

## XXIX.

Ex hiſ verbis perſpicuum eſt, Miſſionem, quæ immediatè à ſolo Deo, fit,



fit, per se non sufficere, nec acceptari à populo, nisi euidenti miraculo, veletiam pluribus, si opus est, à Deo confirmata sit.

Hæc autem confirmatio ex duplici causa necessaria est. Primo ex parte eius, qui mittitur. Si enim asserat quidē, à Deo se missum esse, sed tamen probare non possit, tanquam impostor repellatur. Secundo ex parte eorum, ad quos mittitur. Nam & illi, si prudenter rem æstiment, non temerè credent à Deo missum esse, nisi probari id possit. Et, si deficiat probatio, non alio, quàm Seducoris loco, hominem habituri sunt. Hoc significauit Moses cū dixit: *Non credent mihi, neq, audient vocem meam, sed dicent; Non apparuit tibi Dominus.*

### XXX.

Idem solet contingere in missione humana. Nam si Imperator mittat aliquem Moguntiam aut Coloniam, vt Commissarium agat, non audebit comparere, nec si compareret, acceptabitur, nisi exhibeat authenticum testi-

142 DE VOCATIONE MINISTROS.  
testimonium, quo doceat, auctoritate  
Imperatoria se missum esse.

### XXXI.

Quod dixi de Mose, de aliis quoq;  
Prophetis dicendum est: Omnes suā  
missionem miraculis apud populum  
confirmarunt. Et quid facere potue-  
runt, pro legitimis Dei Ministris habi-  
ti sunt: qui secus, tanquam impostores  
reiectioni.

Multa eius rei exstant exempla. Ex  
iis pauca accipe. Tempore Achab Re-  
gis, fuit dissertatio inter Heliam &  
Prophetas Baal. Tam hi, quàm ille, le-  
gitimè se missos affirmabant. Quo e-  
uentu? Helias, conuocato vniuerso  
populo, qui in ytramque partem clau-  
dicabat, non alio argumento vsus est,  
quàm quod diceret, se suam missio-  
nem euidenti miraculo comprobare  
posse: Prophetas Baal non posse.

Quod etiam factum est hoc modo.  
Duo boues in frustra concisi, & super  
ligna positi sunt in holocaustum: alter  
pro Helia, alter pro Prophetis Baal.  
Hi inuocato nomine Deorum suorum,

non



non potuerunt de cœlo impetrare ignem, quo holocaustum consumeretur. Helias, inuocato Deo Israël, impetrauit. Itaque holocaustum ab eo positum, igne de cœlo misso, consumptum est.

Quo miraculo permotus populus, interfectis Prophetis Baal, velut impostoribus, Heliam tanquam à Deo missum acceptauit. (3. Reg. 18. v. 20.) Auxerunt fidem & alia miracula, quæ ab eo patrata sunt.

## XXXII.

Heliam secutus est Helisæus: qui & ipse variis miraculis auctoritatem sibi astruxit. Porro reliqui Prophetæ, qui de venturo Christo vaticinati sunt, sua quoq; vaticinia euidenter comprobant. De quibus Rupertus in Prologo in Oseam sic scribit: *Cum Prophetæ mitterentur ad prænunciandum de longinquo Christi aduentum, simul etiam de propinquo datum vel iniunctum est illis, prophetare illud, in quo citius veraces comprobari possent, scilicet imminentem ab Assyriis Israël captiuitatem; itemq; instantem Iudæ quoque Babylonis transmigrationem.*

& præ,

& præterea, nonnulla etiam minora, quæ litteris eorum legimus inserta. Cum igitur cito evenisset captivitas seu transmigratio illa, sicut per illos veritas prophetica prædixerat, palam constitit, quod veraciter fuissent locuti in nomine Domini, & quod Dominus misisset eos. Atque ita completa prophetiæ pars, illud quoque quod reliquum vel maximum erat de promissione & adventu Messiae, verum fore convincebat.

## XXXIII.

Similia habet Hieronymus in cap. 37. Isaia, super illa verba: Tibi autem hoc erit signum: ubi sic ait: Idcirco vel maxime Prophetæ apud populum, sermonum suorum habebant fidem, quia non solum de his, quæ multa post sæcula futura erant, sed etiam quæ in continenti, & post non grande temporis spacium essent implenda, memorabant; ut quod intra biennium & Rex Assyrius interiret, & urbi Hierusalem securitas redderetur. Vide eundem in c. 7. Amos in principio, & Chrysost. hom. 11. in Matt. Atq; hæc sufficiant de Vocatione Ministrorum Veteris Testamenti.

De



*De vocatione Ministrorum Ecclesie Noui Testamenti: Ac primum de Ordinaria.*

XXXIV.

**M**inistri Ecclesiæ Noui Testamenti, generali nomine vocantur Clerici. Eorum varia sunt genera. 1. Episcopi, inter quos eminet Pontifex. 2. Presbyteri seu Sacerdotes, non Episcopi. 3. Diaconi. 4. Subdiaconi. 5. reliqui inferiores, vt Acoluthi, Exorcistæ, Lectores, Ostiarij.

Nos hic potissimum agimus de Episcopis, Presbyteris & Diaconis, quorum aperta fit mentio in scriptis Apostolorum. Igitur, quod ad Ordinariam eorum Vocationem attinet, eadem fere spectari in ea possunt, quæ in Vocatione Ministrorum Veteris Testamenti. 1. Electio, seu designatio certæ personæ. 2. purificatio. 3. consecratio seu ordinatio. 4. applicatio ad vsum ministerij, quam nos in Nouo Testamento

146 DE VOCATIONE MINISTRO-  
mento Missionem appellamus. 5. po-  
testas & officium.

### XXXV.

Et quidem Electio seu designatio  
certæ personæ ad ministerium Eccle-  
siasticum, non fit in Ecclesia Christi  
per naturalem propagationem, sicut  
fiebat in Synagoga: sed propriè spectat  
ad ipsum Clerum, cuius est idoneas  
personas eligere & designare: tamen si  
ex concessione & conuiuentia Cleri,  
possit aliquando permitti Laicis. (Bel-  
larmin. lib. 1. de Clericis cap. 2. & 7.

### XXXVI.

Purificatio verò, si præcisè specte-  
mus ius diuinum Noui Testamenti, nõ  
necessario est externa & ceremonia-  
lis, sicut in lege Mosaica; sed interna &  
spiritualis, quæ potissimum consistit  
in pura conscientia, & digna animi dis-  
positione ad tam sacrum officium sus-  
cipiendum & obeundum. Quam pu-  
ritatem significabant, non modo ex-  
ternæ Iudæorum purificationes, de  
quibus supra; sed etiam lotio pedum,  
quam CHRISTVS adhibuit Apostolis,  
ante-



antequam illis Sacerdotij dignitatem conferret.

## XXXVII.

Ipsa porro Ordinatio, iuxta ritum Evangelicum, fieri debet ab Episcopo per manuum impositionem; & nullo modo ab homine laico vel saculari. Quod variis modis demonstrari potest.

## XXXVIII.

Primo, quia Ministri nouæ legis nō sunt inferioris conditionis, quàm Ministri Mosaici: At hi non poterant cōsecrari à laicis, sed à solis Sacerdotib⁹, vt supra ostensum est: Ergo nec illi possunt.

## XXXIX.

Secundo, quia quotquot tempore Apostolorum ordinati sunt per manuum impositionem, semper ab Episcopis, nunquam à laicis ordinatos esse, constat ex Scriptura. Sic Stephanus, Philippus, Prochorus, Nicanor, Timon, & Nicolaus, ab Apostolis, qui Episcopierant, in Diaconos ordinati sunt.

sunt (Act. 6. v. 6.) Sic Presbyteri Lycaoniæ à Paulo & Barnaba ordinati sunt. (Act. 14.) Sic Timotheus à cætu Episcoporum ordinatus est, 1. Tim. 4. v. 14. *Noli negligere gratiam, quæ data est tibi cum impositione manuum presbyterij.* Sic alij ab ipso Timotheo ordinati sunt. 1. Timoth. 5. v. 22. *Manus cito nemini imposueris.*

## X L.

Tertio, idem post tempora Apostolorum seruatum est. Hoc constat ex canonibus Apostolorum: quorum primus sic habet. *Episcopus à duobus vel tribus Episcopis ordinetur.* Secundus sic: *Presbyter ab vno Episcopo ordinetur, & Diaconus, & reliqui Clerici.*

Item ex Generali Synodo Nicæna prima, Can. 4. *Episcopum oportet ab omnibus Episcopis (si fieri potest) qui sunt in prouincia eius ordinari. Si verò hoc difficile fuerit, vel aliqua urgente necessitate, vel itineris longitudine, certè tres Episcopi debent in vnum esse congregati, &c.*

Similia habentur in aliis Conciliis posterioribus. Quod autem Episcopus  
in or.



in ordinatione Ministrorum debeat adhibere impositionem manuum, cōstat etiam ex variis Cōciliis, Patribus, & perpetua Ecclesiæ praxi ac consuetudine. Neque vilis id negat,

## XLI.

Notandum tamen est, manuum impositionem, in nouo Testamento, ad varios effectus solitam esse adhiberi. Primo, ad sanandos ægrotos. Marci 16. v. 18. *Super ægros manus imponent, & benè habebunt.*

Secundo, ad impertiendam benedictionem. Matt. 19. v. 13. *Tunc oblatis sunt ei paruuli, vt manus eis imposteret.* Et Marci 10. v. 16. *Et complexans eos, & imponens manus super illos, benedicebat eis.*

Tertio, ad fælicem comprecationē. Sicaliqui intelligunt illud: Aët. 13. v. 3. *Tunc ieiunantes, & orantes, imponentesq; eis manus, dimiserunt illos, nempe Paulum & Barnabam.*

Quarto, ad Spiritum Sanctum conferendum. Aët. 8. v. 17. *Tunc imponebant manus super illos, & accipiebant Spiritum Sanctum.* Et Aët. 19. v. 6. *Et cum imposuiss*

K 3

set

*set illis manus Paulus, venit Spiritus Sanctus super eos.*

Quinto, ad conferendam gratiam in ordinatione Ministrorum. 2. Tim. 1. v. 6. *Admoneo te, ut resuscites gratiam Dei, quæ est in te per impositionem manuum mearum.* Eodem spectant testimonia, quæ thesi 74. allata sunt.

## XLII.

Atque hæc sufficiant de Ordinatione. Sequitur Missio, quæ differt ab Ordinatione. Nam in Ordinatione confertur potestas Ordinis: cuiusmodi est potestas baptizandi, consecrandi Eucharistiam, remittendi peccata. In Missione confertur iurisdictio in Ordine ad executionem, id est, assignatur subditi, quos illi, qui dicuntur mitti, debeant docere, gubernare, Sacramenta administrare. Sic Parochi dicuntur mitti in Parochiam, quando assignantur illis Parochiani: Episcopi in Episcopatum, quando assignantur Diocesani. Sic Apostoli missi sunt in omnem terram, quando omnes populi ac gentes à Christo illis assignabantur.

De



Dequa Missione loquitur Scriptura,  
 Matth 10. v 16 *Ego mitto vos sicut oves  
 in medio luporum.* Et capite 28. vers. 19.  
*Euntes docete omnes gentes, baptizantes  
 eos in nomine Patris, & Filij, & Spiritus  
 Sancti.* Et Marci 16. vers. 15. *Euntes in  
 mundum uniuersum, predicate Euange-  
 lium omni creatura.* Et Romanorum,  
 10. vers. 15. *Quomodo predicabunt, nisi  
 mittantur?*

## XLIII.

Est autem magnum discrimen in-  
 ter Episcopos & Presbyteros, ex parte  
 potestatis & officij. Tametsi enim pa-  
 res sint in potestate consecrandi Eu-  
 charistiam; tamen in multis Episcopi  
 sunt superiores. 1. quia maiorem ha-  
 bent iurisdictionem. 2. quia possunt  
 conferre Sacramentum Confirmatio-  
 nis, ordinare Ministros, consecrare  
 Tempia & altaria, quæ Presbyteri non  
 possunt. Vide Damasum epist. 3. Gre-  
 gorium III. in Epistola ad Bonifa-  
 cium, S. Leonem in epistola ad Episco-  
 pos Germaniæ & Galliæ.

*De extraordinaria Vocatione  
Ministrorum Noui Testa-  
menti.*

XLIV.

**C**onstat Apostolos extraordinariè vocatos ac missos esse, ad prædicandum Christi Euangelium, & Sacramenta ab eo instituta administranda. Qui tamen, sicut supra de Mose & Prophetis dictum est. suam Vocationem & Missionem multis signis ac prodigiis, coram vniuerso mundo, debuerunt contestari.

Res omnibus nota est. Locuti sunt variis linguis in die Pentecostes: Dæmonia expulerunt: mortuos ad vitam reuocarunt: omnia morborum genera, vel verbo; vel umbra; vel semicinctio curarunt. Et vt semel complectar omnia: *Prædicauerunt ubique Domino cooperante, & sermonem confirmante sequentibus signis.* (Marc. 16. v. 20.)

Quod etiam speciatim de se testatur Paulus, Rom. 15. v. 19. cum ait, se gentibus Euangelium persuasisse *in virtute si-*



*te signorum & prodigiorum. Et 2. Corint. 12. v. 12. Signa, inquit, Apostolatus mei facta sunt super vos in signis, & prodigiis, & virtutibus.*

## XLV.

Et quid dico de Apostolis? Ipsemet Christus nō aliter persuadere potuit; à Deo Patre se missum esse, nisi per miracula. Habebat quidem ipse pro se vaticinia omnium Prophetarum. (Lucæ 24 v. 27.) Habebat testimonium Ioannis Baptistæ: *Ecce Agnus Dei, ecce qui tollit peccata mundi.* Habebat testimonium Patris cœlestis: *Hic est Filius meus dilectus, in quo mihi complacui, ipsum audite.* Et tamen inter tot Missionis suæ præsidia, adhuc opus erat miraculis. Nec alio potentiori, quàm miraculorum subsidio usus est apud Iudæos, ut se Filium Dei comprobaret.

De quo ipse sic loquitur, Ioan. 10. v. 37 *Si non facio opera Patris mei, nolite credere mihi. Si autem facio, & si mihi non vultis credere, operibus credite, ut cognoscatis & credatis quia Pater in me est, & ego in Patre.* Et rursus cap. 14. vers. 11.

K 5

Non

## 154 DE VOCATIONE MINISTRIOR.

*Non creditis, quia ego in Patre, & Pater in me est? Alioqui propter opera ipsa credite. Et alibi sapius.*

### XLVI.

Dices: Etiam Ioannes Baptista extraordinariè missus est ad baptizandū & prædicandum; & tamen suam missionem nullo miraculo confirmavit. Nullum enim miraculum ab eo factū legimus. Respondeo: Tametsi ipse nullum miraculum fecerit: Deus tamen multis miraculis illius sanctitatem, Vocationem & Missionem testatus est. Primo, quia natus fuit ex matre sterili. 2. quia adhuc clausus vtero materno, ad præsentiam B. Virginis, præ gaudio exultavit. 3. quia mater ipsius Elisabeth Spiritu Sancto repleta est. 4. quia pater, qui antea mutus erat, viua voce prophetavit. Hæc & similia, quæ circa illius natiuitatem contigerunt, manifeste portendebant, quid de eo in posterum esset sentiendum. Vnde vicini præ admiratione dicebant: *Quis putat puer iste erit?* Accedebat summa vitæ austeritas, vaticinium Isaiaë, & alia eiusdem generis.

*Quod*



*Quod Lutherani & Calviniani Ministri non sint legitime à Deo vocati.*

## XLVII.

**H**Oc facile ex dictis probari potest. Nam potestas & iurisdicção, quæ confertur Ministris Ecclesiæ, vel confertur illis à Deo, mediante Episcopo, & tunc dicuntur ordinariè vocati & missi: vel immediatè à solo Deo, & tunc dicuntur extraordinariè vocati & missi. Neutro modo confertur Ministris Lutheranis & Calvinianis.

## XLVIII.

Non priori modo: quod dupliciter ostendo. Primo, quia Lutheri ipsi, qui est parens omnium Ministrorum Lutheranorum, non est collata potestas & iurisdicção ab Episcopo. Tametsi enim ante defectionem (cū adhuc monachus esset) à Catholico Episcopo Sacerdos seu Presbyter ordinatus sit, ac proinde ab eo acceperit potestatem

tem consecrandi Eucharistiam; non tamen accepit ab eo potestatem & iurisdictionem reformandi religionem & statum Ecclesiæ in tota Saxonia & vicinis partibus; nec abrogandi Festa, ieiunia, vota monastica; nec comburendi ius Canonicum; nec oppugnandi doctrinam Catholicorum. A quo ergo accepit?

# XLIX.

Secundo, Alii Ministri Lutherani, qui vel Luthero posteriores sunt, vel simul cum illo vixerunt, duplices. Nam aliqui ex illis, ab Episcopis Catholicis Sacerdotes ordinati sunt, & postea à fide Catholica ad Lutheranam transferunt, ut Münsterus, Oecolampadius, Pellicanus, Bucerus: alij non sunt à Catholicis ordinati. De prioribus idem dicendum est, quod de Luthero. Posteriores verò, à quo ordinati sunt? Nō à Catholicis Episcopis, ut suppono. Nec à Luthero, quia ipse non fuit Episcopus. Nec ab aliis Ministris Lutheranis, quia nec ipsi Episcopi sunt. Aut si sunt, à quo ordinati sunt? Nec à seculari



culari Magistratu, quia is non habet potestatem ordinandi. Nec à communi plebe, propter eandem causam. A quo ergo?

## L.

Vt magis appareat vis huius argumenti, duo quæram ex Lutheranis. Vnum est: An ipsi putent, Episcopos Catholicos habere legitimam potestatem ordinandi Sacerdotes, & alios Ecclesiæ Ministros, necne? Si habent potestatem, sequitur in Ecclesia Catholica veros esse Episcopos & Sacerdotes: Et consequenter, verum Eucharistiæ Sacramentum ab illis confici & administrari. Si non habent, sequitur Lutherum, Münsterum, Oecolampadium, Pellicanum, qui à Catholicis Episcopis ordinati sunt, non fuisse legitimè ordinatos, ac proinde non fuisse veros Sacerdotes: Nec verum Eucharistiæ Sacramentum ab iis confici potuisse. Imo sequitur, tempore defectionis Lutheri, nullum in orbe Christiano fuisse legitimum Episcopum aut Sacerdotem. A quo ergo ipse ordinatus & missus

missus est? Loquor de Missione, quæ ab homine fit. Nam de altera, quæ immediate à solo Deo fit, paulo post dicam.

## L I.

Alterum est: An putent, vltos vnquam fuisse legitimos Episcopos & Sacerdotes in Ecclesia Christi, à temporibus Apostolorum vsque ad tempora Lutheri, qui ab alio, quàm ab Episcopo ordinati sint? Si putant fuisse aliquos, quæro, qui illi fuerint, quo tempore vixerint, quas Ecclesias administrauerint, à quo sacram Ordinationem acceperint? Si nullus fuit, cur ipsi, contempta Christiani orbis perpetua consuetudine, nouitatem sectantur, & ab hominibus sæcularibus, vel alii, qui Episcopi non sunt, ad Ministerium mitti se sinunt?

## L I I.

Pudendum est, quod dicam: sed tamen dissimulare non possum. Adeo nihil antiqui moris & pietatis est apud Lutheranos & Calvinistas in hoc Ministerio



nisterio Ecclesiastico, de quo agimus, ut opifices, Lucimagistri, Aduocati, ad nutum alicuius Comitisa aut Baronis, & non raro, ad imperium alicuius foeminæ, publicè cathedram ascendere, & Ministerium vsurpare non erubescant. Errursum, si aliter Dominis visum sit, Ministerium deferere, & ad opificium redire cogantur.

## LIII.

Noui etiam, qui in ipso Ministerij exercitio, tanta seruitute suis Dominis temporalibus obnoxij sunt, ut sine ipsorum expresso consensu, nec Ministerium suum tueri, nec Lutheranam religionem defendere, nec illius defendendæ causâ cum Catholicis, vel voce, vel calamo disputare audeant. In quare duplex peccatum est. Alterum Dominorum sæcularium, qui arroganti sibi potestatem, quam non habent. Alterum Prædicantium, qui & auctoritatem Ecclesiasticam prostituunt, & homini plus tribuunt, quàm Deo, cuius tamen Ministros se profitentur.

Longè

Longè aliter Apostoli, qui in simili causa dicebant: *Obedire oportet Deo magis, quàm hominibus.* (Act. 5. v. 29.)

## L I V.

Hactenus de priori Vocationis modo, qui quid m fit à Deo, sed tamen mediante consensu & cooperatione eorum hominū, ad quos spectat. Nunc probādum est, Ministros Lutheranos & Calvinianos non esse vocatos posteriori modo, id est, non esse immediatè à Deo missos ad docendum populum, reformandam Ecclesiam, sacramenta administranda. Quod variis rationibus probari potest.

*Prima Ratio.*

## L V.

**Q** Vicunque hactenus vel in Veteri, vel in Nouo Testamento à Deo immediatè vocati & missi sunt, debuerunt coram populo suam vocationem & missionem aliquo euidenti miraculo comprobare, & qui non potuerunt probare, pro falsis Prophetis & im-



impostoribus habiti sunt, vt hætenus explicatum est: At neque Lutherus & Caluinus, neque alij Ministri Lutherani & Caluiniani possunt vllò euidēti signo vel miraculo probare, se immediate à Deo vocatos & missos esse: Ergo pro falsis Prophetis & impostoribus habendi sunt.

## LVI.

Nec enim verisimile est, plus illis, quam Prophetis & Apostolis, priuilegij cōcessum esse. Si ergo Prophetis, si Apostolis, si Christo ipsi creditum non est, nisi euidenti miraculo se missos esse conuincerent; quomodo Luthero & Caluino credam, qui nullo modo conuincere id possunt?

## LVII.

Dicent forte, satis euidens diuinæ Missionis signum esse, quod infiniti prope homines, statim à principio, doctrinam Lutheri & Caluini amplexi sint. Inde enim colligi posse, doctrinam fuisse efficacem & diuinitus inspiratam. Sed frustra. Nam etiam in Veteri Testamento, infiniti prope homines

L

mines

mines adhærebant falsis Prophetis, tamen inde nō poterat colligi, vel ipsos à Deo missos, vel eorum vaticinia diuinitus fuisse inspirata. Contrarium potius colligitur, quod sic ostendo. Inter veros & falsos Prophetas hoc erat discrimen. Veri prædicebant iram & vindictam Dei propter peccata hominum; euerisiones urbium, direptionem bonorum, captiuitates populorum, & similia incommoda, quæ amatoribus huius mundi ingrata sunt. Falsi omnia contraria vaticinabatur, vt pacem, victoriam, foelicitatem, rerum omnium abundantiam: & ideo à plerisque libenter audiebantur.

## LVIII.

De his loquitur Ieremias cap. 14. v. 13. *Et dixi, Domine Deus, Prophetae dicunt eis: Non videbitis gladium, & fames non erit in vobis, sed pacem veram dabit vobis in loco isto. Et dixit Dominus ad me: Falsò Prophetae vaticinantur in nomine meo. Non misi eos, & non præcepi eis, neq. locatus sum ad eos. Visionem mendacem, & diuinationem fraudulentam, & seductionem*

*nem*



*nem cordis sui prophetant vobis. Idcirco hæc dicit Dominus de Prophetis, qui prophetant in nomine meo, quos ego non misi, dicentes (Gladius & fames non erit inter-  
ra hæc) in gladio & fame cōsumuntur Pro-  
pheta illi. Vide plura 3. Reg. 22. & alibi.*

## L I X.

Simile est de veris & falsis Aposto-  
lis. Veri Apostoli, qui à Christo missi  
sunt, proponunt res difficiles, arduas,  
carni ac sensui humano repugnantes.  
Et perpetuò clamant: *Pænitentiam a-  
gite: Mortificate membra vestra, quæ sunt  
super terram: Abstinete à carnalibus de-  
sideriis: Sobrii estote & vigilate.* At Lu-  
therus & Calvinus, qui veri Apostoli  
non sunt, contrario modo procedunt.  
Abrogant ieiunia: oderunt castitatem:  
concedunt libidines, & quidquid car-  
ni allubescit. Eorum vox est: *Sola fides  
iustificat: Bona opera non prosunt: Decalo-  
gus observari non potest: Crescite & mul-  
tiplicamini: Si non vult vxor, veniat an-  
cilla* Hanc vocem plerique libentius  
audiunt, quam vocem CHR:STI &  
Apostolorum. Ad quos spectat illud

Rom. 8. v. 5. *Qui secundum carnem sunt, quæ carnis sunt, sapiunt.*

## L X.

Atque hinc apparet, omnia conuenire Luthero & Caluino, quæ de falsis Prophetis scripta sunt. Nam primo, falsi Prophetæ dicebāt se missos à Deo. Secundo, nō poterant probare se missos. Tertio, semper fausta, & quæ populo grata erant, vaticinabantur. Similiter noui illi Prophetæ. Longè aliter veri Prophetæ & Apostoli. Hi non verbis tantum, sed signis & virtutibus probabant se missos: Nec quæ hominibus blanda & grata, sed quæ Deo accepta erant, annuntiabant. Vnde Paulus ad Galatas 1. 10. *Si adhuc hominibus placerem, Christi seruus non essem.*

*Secunda Ratio.*

## L X I.

**Q** Vicunque hætenus immediate à solo Deo missi sunt ad instruendū populum in fide & religione, ita fuerunt diuinitus illustrati, & à Spiritu S. directi,



directi, vt nullum vnquam mendaciũ, errorem aut falsitatem populo proposuerint: At Lutherus & Calvinus multa mendacia, errores & falsitates populo proposuerunt: Ergo non fuerunt immediatè à Deo missi ad instruendum populum in fide & religione.

Maior propositio patet inductione, quia Moses, Prophetæ, Apostoli, Christus, nihil falsum aut erroneum docuerunt. Quod de singulis testatur Christus. De Mose, Ioan. 5. v. 46. *Si crederetis Mosi, crederetis & mihi: de me enim ille scripsit.* De Prophetis, Luc. 24. v. 25. *Osulti & tardi corde ad credendum in omnibus, quæ locuti sunt Prophetæ.* De Apostolis, Ioan. 16. v. 13. *Cum venerit ille Spiritus veritatis, docebit vos omnem veritatem.* De seipso, Ioan. 6. v. 14. *Ego sum via, veritas & vita.*

## LXII.

Et ratio est, quia constat Deum non posse mentiri aut falsum dicere. Si ergo aliquis assereret à Deo immediatè se missum esse ad docendam veritatem, & vel semel deprehenderetur menti-

L 3

ri, aut

ri aut falsum dicere, iam tota ipsius mis-  
sio merito redderetur suspecta: Et pru-  
denter iudicaremus, si in vno puncto  
nos decepisset, in aliis quoq; posse de-  
cipere. Quod fatetur Lutherus in as-  
sertione art. 25. cum ait: *Prorsus in nullo  
alio verbo vobis credimus, donec hoc men-  
daciū dilueritis. Suspecti, inquam, eritis  
in omnibus, semel deprehensi in tam crassa  
temeritate, &c.*

## LXIII.

Iam verò Lutherus & Calvinus non  
semel, sed sæpe in errore & falsitate de-  
prehensi sunt. Nam, vt alia præteream,  
Lutherus docuit, hominem in nulla  
actione, nec bona, nec mala, habere v-  
sum liberi arbitrij; sed à Deo, tam ad  
bene, quàm ad male operandum, fata-  
li quadam necessitate compelli. Sic e-  
nim scribit in assertione art. 36. *Libe-  
rum arbitrium est figmentum in rebus, seu  
titulus sine re: quia nulli est in manu sua  
quippiam cogitare mali aut boni, sed om-  
nia sub Deo sunt, contra quem nihil possu-  
mus. Quod & Poëta voluit, quando dixit:  
Certa stant omnia lege.*

## LXIV.



## LXIV.

Similiter Caluinus docuit, Deum esse authorem peccati. (lib. 1. instit. c. 18. §. 3.) Deum ab æterno prædestinasse plerosque homines ad æternam mortem & damnationem, sine vlla ipsorū culpa aut merito; solum quia ipsi ita placuit. (lib. 3. cap. 21. §. 1. & cap. 23. §. 2. & alibi.) Deum mandare, vrgere & incitare Satanam, vt miseros homines ad peccatum inducat. (lib. 1. cap. 18. §. 1. & 2. Item lib. 2. cap. 4. §. 2. & 5.)

## LXV.

Hos Lutheri & Caluini errores merito detestamur. Primo, quia in Deum sunt impij & blasphemi. 2. quia hominibus horrorem ac desperationem incutiunt. 3. quia tollunt è medio omnes consultationes, exhortationes, mandata, prohibitiones, iudices, Tribunalia, totam deniq; politiam. Nam hæc omnia frustra sunt, si homo non habet liberum arbitrium. Quis credat authores eiusmodi errorum immediate à Deo missos ad docendum esse?

L 4

Alia

*Alia Rationes.*

## LXVI.

**T**ertiaratio. Lutherus à Diabolo accepit doctrinam suam de abroganda Missa: Ergo ad docendum non est missus à Deo. Hoc argumentum, fusè prosequitur Nicolaus Serarius in libro, *De Lutheri Magistro*: Et in altero, quem opposuit Apologiæ Friderici Balduini Ministri Saxonici, qui frustra conatus est Lutherum ab hac ignominia liberare.

## LXVII.

Quarta. Lutherus & Calvinus affirmant, nihil credendū esse, nisi quod scriptum est in Verbo Dei: At tibi non est scriptum, eos à Deo ad reformandam Ecclesiam missos esse: Ergo, secundum ipsorum sententiam, hoc credendum non est.

## LXVIII.

Quinta. Deus non solet homines publica infamia notatos mittere ad docendum populum: At Lutherus &  
Calui-



Calvinus fuerunt publica infamia notati: Ergo non est verisimile, à Deo missos esse ad docendum populum. Minor patet, quia is iure Cæsareo infamis est, *qui nuptias cum ea constituit, quam uxorem ducere vel non potest, vel fas nō est.* (L. Quid ergo, ff. De his, qui notantur infamia.) At Lutherus constituit nuptias cum Moniali, quam uxorem ducere non poterat, nec fas erat: Ergo iure Cæsareo fuit infamis. Et in ea infamia mansit vsque ad finem vitæ; quia quas nuptias Monachus cum Moniali sacrilegè contraxit, in iis postea perseveravit.

### ~~LXIX.~~

Idem, ex alio capite, dico de Calvino. Is enim & factō & iure infamis est, qui ob graue flagitium publico iudicio condemnatur. (L. 1. ff. De his, qui notantur infamia.) At Calvinus Noioduni in Picardia, propter crimen sodomix, publico iudicio condemnatus fuit ad pœnam ignis (quæ tamen pœna, per intercessionem Episcopi, in vstulationem ferri cādentis mutata

L 5 est.)

## 170 DE VOCATIONE MINISTRORUM

est.) Ergo iure & facto fuit infamis. Vide Bolsecum, Medicum Lugdunensem, in vita Caluini cap. 5. & alios.

### LXX.

Ex dictis colligo, Ministros Lutheranos & Calvinianos non esse legitimos Ecclesiæ Christi Pastores, quia nec à Deo immediatè missi sunt; nec ab ullo Episcopo iurisdictionem acceperunt. Videant subditi, an illorum curæ tutò committere se possint. Nos meliori loco sumus. Nam in nostra Ecclesia, non solum nostro, sed etiam Lutheranorum iudicio, legitimi Sacerdotes & Episcopi ordinantur.



## ALIAE



## ALIÆ THESES MISCELLANÆ.

1. *Intellectus creatus lumine gloriae eleuatus capax est visionis beatifica.*
2. *Essentia diuina oculis corporis videri non potest.*
3. *Tres sunt persona diuina, & una natura.*
4. *Primum peccatum primi parentis, traducitur per originem in posteros.*
5. *Ex hominibus, ordinario generationis modo ab Adamo descendētibus, sola DEI Mater peccatum originale non contraxit.*
6. *Efficacitas gratia non est sita in physica predeterminatione*

12 THESES MISCELLANÆ

*tione voluntatis ad præben-  
dum assensum.*

7. *Adamo per peccatum non  
lapso, Christus non fuisset in-  
carnatus.*

8. *In Christo sunt due natura,  
una persona.*

FINIS.











9-3-2

